

UKUMANYISYA PA MŌSE



Umma ndaga. Kyala akusaye ugwe, Nkundwe Neville. Ulubunju ulununu, binangu. Une ngufimbilisigwa ukukéta apa na apo ukusyagania ukuti kali ukwene ko kulubunju pamo kunamayolo. Ena, une nhobwike ukuya kuno ulubunju ulu. Ukwene kulungwile, kangu umwe naloliloli muli nu bwambililo ubulungule. Uswe tukaya nako akabalilo ka bulenge kangu'mma; uswe tuli nako palumu nu kotalala kuno, bule? Kilikyosa kikufwana kifuluganike, mu njilayimo.

² Ena, iki kimbilile une ukukābila, une—une ngupyaigila mu nyumba. Kangu une nāli mūmano kangu nākatēle kulubunju ulu. Kangu une nāsumwike mu kabalilo kingi fiyo, loli une ngāsyagenie u nkikulu āli ni mbombo inywamu iyakubomba bo lula, abene bikufimbilisigwa ukutendeka abana batatu ukwitendekesya kangu polelo ukubēgela ku sukulu ya Ndungu. O, mwe! Ikyulu kyosa ikyakubomba, ukukinda mumo une ninogonelaga ifi fyālipo ifyakubomba. Kangu une ndinkwinogona, “Ena, lilino...” Namayolo mmayolo nābombaga, kangu—kangu une—une ndinkugomokela kukāya ukufuma m'kibānja kya busasanianongwa...?...Mwe, ngimba imbombo yikaya ngafu ukuti ufike ukuyikamata? Hum! Une nābikile amadola malongo-matatu-na-mahano pa ndungu gumo ukuti u mundu yumo anketesyege u mwana, kangu nayumo ābagile ukubomba ikyene.

³ U mwinitu āsimbile mu nyuzi apa pakaya patali'mma. Ena, iki kitikubuka ku iki. Alinkuti umwene āli apa, u luko lumo lwa gwāndiali pamwanya apa mu Kentucky, alinkuti umwene āli mu busikali kabili kosa, umwene āfulasigwe katatu kosa, ukuya mponjoli, umwene ālitugésye ukuya mwenekaya mu bupalamani, umwene ābombīle ifindu fingi, āpokisye u bumī bwa bana babili, kangu yumo ukufuma ku kisoko kangu yumo ukufuma ku kindukimo ikingi, ngwibwa iki fyosa umwene āfimbilisigwaga ukubomba. Kangu kubumalikisyo umwene alinogwine, ena, abene bikufimbilisigwa ukukyunga ubupalamani mbugolofu, umwene ikusasania isakwingila ukuya gwaboma. Kangu bo umwene abombile, ukufuma ku bandu maelifu mia, umwene ākabile ama voti mahano. Umwene alinkunsuma u sherifu linga umwene ammwagilaga indusu imbimba ukuntula umwene ukusokamo mbupalamani bula, alinkuti, “Ukwene kwāli kosisya nukwitugala kōpe ukusyngutila kāya kala.” Umwene akāli nabo abinake abakufwana ukuntula umwene ukusokamo nkaya. Uko ku kundagisya kwa kiMerika, palema, bule ukwene? Uko ko kotalusya. Mwa America, fyo fīngipo ifi ugwe kubomba, fyo fīngipo ugwe kugūliligwa ukubomba. Uko ko kotalusya, fīngipo

ifyakubomba ifi fikuguliligwa ugwe.

⁴ Ena, une ngulonda ukuyobapo ukundagisya kwangu ulubunju ulu pa mumo i kipanga kiswepile kangu kiyilile kinunu mbubonekelo. Kangi bo une ngwisa, abene bali ni kifigo pala ukupa ukusyungutila kwa mbepo kununu. Polelo ikyo kyo kinunu fiyo, kali ywani ali pa kibugutila kya ba kyungaji apa kangu atulile ukusongelesya iki. Ikyo naloliloli kyali kinunu namaka, kangu iyene yo mbombo inunu iyabwifyusi. Une ngwinogona Nkundwe Hall, linga une ngasoba'mma, abombile ikyene. Iyo yo mbombo nunu fiyu.

⁵ Lilino, ukwene kwilile panandi, loli umwe mumenye mumo abandu ba bwikemo bayilile. Muketile, ikyene kikaya na kabalilo kasisimikisiyi, bule uswe, Nkundwe Slaughter, Nkundwe Deitsman? [Abakundwe na bangi bikuyoba, "Umma."—Nsimbi] Itolo kilikyosa itolo mumo uswe tukwegela ikyene.

⁶ Twali ni ngomano innunu kula Kwitongo! Loli une nabagile kwene kukuyoba itolo a masiku manandi aga gakindile. Une nalumbilile ku myesi mina, kisitakwima, kangu une ngali na masyu agakufwana kope nu ku—nu ku heha. Une itolo nafimbilisigwaga mu luko lumo ukuyobela maboko ku nkasi gwangu, umwe mumenye, iki une nalondaga, kangu ikyene mu luko lumo. . . Kangu polelo ukufuma apo, kangu ukugomokela kuno ikyene kyalyagenie nu luko lumo lwa bukye bwabusyobi ubu uswe twalinabo, (fiki, kutalele i lisiku limo kangu kupile i lisiku ilingi), une nalyambwile ikya naloliloli, ikyaiyolo naloliloli ikipungo. Kangu une ndinkusumuka, a masiku mabili aga gakindilepo, kangu ndinkwanda kangu. Kangu polelo uswe tuli bakupalisya kwa Ntwa unnunu, palema, panongwa ya bununu bosa ni kisa Kyake kwa uswe, kangu—kangu mumo Umwene ayilile ubununu. Twali ni ngomano inunu fiyo pasi pala, kangu u Ntwa atusayile uswe ukukindilila, mbwingi.

⁷ Kangu ikilo kya mmayolo, kifuki pakati pakilo, Nkundwe Wood alingolile une kula ku nyumba yake, kangu Nkundwe Arganbright pa foni ikundonda une ukwandako mu Switzerland. Polelo, ukwene ko fingi fiyo ukubuka kuli u mundu unkangale.

⁸ Polelo, lilino, u lukomano lwitu ulukonge lukwanda pa lisiku lya kalongo na limo ilya mwesi ugu gukwisa, ku Cadle Tabernacle ku Indianapolis. Ku—ku Cadle Tabernacle mu Indianapolis, ukufuma pisiku lya kalongo na limo ukukindilila mpaka ilya kalongo na mahano. Kangu polelo, ukufuma pala, ukukilania ku—ku Minnea- . . . Minneapolis; ukufuma ku Indianapolis ukubuka ku Minneapolis, Christian Business Men.

⁹ Lilino une ngwinogona Nkundwe Neville alingolile une, kangu une nalondaga ukunnangisya ikyangu. . . ukunangisya imbaliyo syangu ku mwene na ku butatu bwa Neville aba

bâlisîle kula nukwimba pa mfwa kuli une, une nâli nayo pakiyolo. Kangi une nâlinsumîle u Nkundwe Neville; ngâli nabo abimbanyimbo nabamo, i kikolo kya Liddick; akabalilo kako Tata. Liddick âbukile ku Kâya ku Lwimiko. Kangi une naloliloli. . . linga umwanake undumiana, une ndikumbona umwene apa; kangi une ndinkusyagania pankyeni pake ukuti umwene âli mwanundumiana gwake gwakufufya. Bo amenye ukuti u baba gwake ikufwa, kisita kupokigwa, alinkubopela ku kâya ukunyega une, bo akâli umwene. . .kangi u baba gwake alinkupokigwa bo akâli nu kufwa. Polelo ikindu ikinywamu ukukinda fyosa iki undumiana uyu abombilemo siku, kwâli kwisa ukumwega u mundu yumo ukwiputula u baba gwake bo akâli ukubuka. Kangi u butatu bwa Neville bwâlisile kula kangi bâlîmbîle naloliloli nubumogi ku bene.

¹⁰ Kangi polelo Nkundwe Neville alindalulisisye une linga une nguyobaga ulubunju ulu na namayolo aga, gôpe. Polelo umwe mukuketesya, i Lisimbo likuti, “Suma mbwingi ukuti ugwe. . .” Polelo Nkundwe Neville naloliloli yo Gwalisimbo pa findu ifyo, fiyo naloli! Kangi polelo une ngubombaga ubununu bwangu bosa.

¹¹ Lilino, une njobile ulubunju ulu, pakuya lya Lisiku lya Mama, kangi uswe tukulonda ukuyoba ku—ku banike abanini. Une ninogonaga ulubunju ulu lukaya kabalilo kanunu ku—ku banike abanini. Lilino une ngwinogona ukuti i lisiku lya mama. . .

¹² Lilino, kikayapo nakimo ikinyafu pa kisu kya pasi, iki uswe tukimenye, ukukinda mama ugwabwanaloli, ugwanaloliloli. Kyala asaye u moyo gwake unkifu, u mama ugwanaloliloli, ugwanaloliloli. Loli uswe tuli nabo bingi abingilambuyo umwisyugu aba—aba bikukôleligwa “mama,” aba bakaya mama'mma; abene bo itolo bakikulu aba bali na bana, loli bakaya mama. U mama ugwakayilo-kaiyolo yo yuyo uyu ikupakikisya i nyumba yake, kangi atikulambalala panja ku fyumba ni fimogo, kangi ikilo kyosa, ukukwesa, ukunwa, ikugomokela. Umwene atikufwanapo ingamu insisya yila iya mama. Umwene yo nkikulu itolo, ikyo kyo kyosa, uyu ikuswila u mwana; loli komma mama, panongwa yakuti *mama* ali nukusanusya ukungi ku ilyene. Lilino une—une ngwinogona linga ugwe. . .

¹³ Lilino, ku Lisiku lya Mama, une ngulonda ukuyobapo nimwene naloliloli kanunu. Une ndinagwe u mama ugwanywili-imfubifu itugesye pala, nimwene. Kangi une ngwinogona, i lisiku, umma ndaga; loli i lisiku lililyosa libagisenie ukuya lisiku lya mama, komma itolo kamokene pa kynja. Kangi i nongwa ya findu fya Lisiku lya Mama ifi fikukindilila lilino. . .

¹⁴ Kangi une ngukéta uswe tulipo banandi itolo, kangi uswe twesa tumanyene yumo nu nnine. Uswe twe bandu bakukâya,

kangi iyo yo nongwa uswe tukuyobaga injila iyi.

¹⁵ Une ngwinogona ukuti u mama abagisenie ukugindikigwa i lisiku lililyosa nukufwanafwana, uko ko kotalusya, u mama ugwanalololi. Kangi, loli i lisiku ili abene bikulikölela Lisiku lya Mama, likaya nakimo nkisu loli butoyofu bunywamu bwa bukyülusi, itolo ukutägìsya abandu kuli i hela. Kangi ikylene kyo kikosyasoni kwa mama, i Lisiku lya Mama, pa kamokene pa kyinja, “Ena, uswe tutikubuka ukakunkéta umwene, loli uswe tukuntumilaga umwene akapambo akanini ka maluba kangi ikyo kisakufwanikisyaga ikylene.” Uyu aka mama! Mwe, bununu! U mama ugwanalololi yo nkikulu uyu ugwe... uyu äkuswilife ugwe, nukukugana ugwe, kangi ugwe kunkéta umwene kangi kuyoba kwa umwene akabalilo kosa. Ugwe kuyoba u lugano lwako ku mwene akabalilo kosa, komma itolo i lisiku limolyene mu kyinja.

¹⁶ Loli bo une ngäli itolo ukwanda pa bukino bwängu ubunini, une ngulonda itolo ukuyobapo iki, nukwiyandisya... Bamo mwa umwe, mwe bingi ba umwe mufwile, bingi ba abene bakindile ukufuma iki kyätendekígwe. Umwene mwäli mu 1933.

¹⁷ Ngimba umwe mwäketile mu kalatasi gwa nyuzi ikilo inandi isi sikindilepo mumo unkikulu yula alingögile u nnyambala yula? ukunsopa umwene panja mu njila ya kwendesyala iligali kangi itolo ukugomokela nyuma kangi ukubuka ukwenda ni ligali lyake mpaka umwene itolo ukuntyeka umwene mosa pa nsebwe. Kangi abene balinkuti, u—u gwandagilo na bangi, balinkuti, “Ngimba ikyo kitikukulonga mmabyebye gako?”

Umwene alinkuti, “Kyala na une twändile ukukatala mumo abakikulu bikukyungiligwa.” Huh! Ena, umwene yo kyakwiputako. Uko ko kotalusya. “Tufikilepo ukukatala.” Kibagile ukusuluka pási bulebule i kisu iki? Uswe tukubukaga ku butali bulebule kisita bulongi Bwakyala, une nguswiga? “Kyala na une”? Linga Kyala ätobesigwe panongwa ya syosa isi syäbikígwe pa Mwene, Umwene akabagile ukuya Kyala, isyo syo syosa. “Kyala na une”? Mwe! Kyala akaya nakyo nakimo ikyakubomba nu luko lwa ikyo. Nguswiga akabalilo kako umwene ali kwisilya mbutolwe, ngimba umwene isakwinogonaga fiki ifya ikylene akabalilo kala? O!

¹⁸ America! Lilino, ugwe kumbukilaga, linga ugwe ukasimba iki, simba ikylene. Uku ko kusakikisya kwangu. Muketile? Mu 1933, bo uswe twäli ni ngomano pási apa pápo ikyaiyolo, une ngusubila kipanga kya Church of Christ kili pala lilino, ikylene kyäli kyo kikülu... Ikyene kili papapa apa, Nkundwe Neville, papapa ukugolosya pási. Charlie Kern itugasyaga kula. Ngimba ikylene kyo fiki... Akáya ka bapina ukukilania apa pa Meigs Avenue. Mu 1933, une nākabile itolo Ford ya 1933, kangi une ndinkuyiputila iyene ulubunju lula kwa Ntwa. Kangi, bo ngasokako ku káya, une ndinkuyibona imboniboni. Une

nsimbile iyene, i kalatasi ingũlu iya yelo yikāli yikugũlila mu li Bangeli. Une nākubwene ukumalisya kwa kabalilo kukwisa.

¹⁹ Kangi, umwe, balinga aba babagile ukukumbukila iki iligali lya '33 lyābonekelāga ku nyuma kula? O, iyene lyāli uluko lumo lyābopelaga pānja bo *ulu*, kangi injila pamwanya ku nyuma, kangi ukutumuligwa panongwa ya ligudumu lyakongelela ukutulikigwāpo. Une ndinkuyibona i mboniboni, ukuti, “Bo u Kwisa kwa Ntwa kukāli, ukuti amagali gisakubonekaga bo li lifumbi.” Balinga aba bikukumbukila ukusakikisya kula? Alipo yumo āsyele nkati mula? Nkundwe Seward abukile. Kangi une ngusakikisya. . .Ukwene kwāli mu 1933 bo uswe tukuya ni ngomano kuno. Une ngusakikisya itolo kifuki bosa ba abene bakindile, ukufuma akabalilo kala.

²⁰ Kangi une nāsakikisye, ukuti, “America, u kyala gwabo gwa kwanda isakuyaga nkikulu.” Ikyo kyo iki ikyene kili. Kilikyosa kibumbigwe ukufuma pa Hollywood. Une ndinafyo i findu fisimbigwe ukufuma ku FBI ifi fibagile ukunyomosya umwe ku bubongotoke itolo—itolu ukuti mbabule umwe, kulakula kuko. . .Kangi ukwiywelula pa ndondwa sya ma filimu isi, akayapo na yumo gwa bene, kifuki, loli aba bo balogwe. Kangi aba FBI bāfumwisye ikyene itolo lululu ulu. Une ndinakyo ikyene pa fikalatasi fyābo bēne. Kangi polelo bosa ba abene bikwendendeka, bōpe aba indondwa sya mafilimu, kuko umwene āsisimikisye, abene bālingile mula nukubapimba abene, bikwitugasya na ba nnyambala, amadola malongo-mabili-namahano kangi malongo-mahano ikilo kimokyene, u nnyambala, bosa mmwanya na pāsi, mu Hollywood na kulikosa, bāli ni nyumba syākusofu kangi abanyambala ku nyuma mula kuko abene bābatumaga abene panja ku ba nyambala aba. Kangi ikyo kyo iki uswe tukuketesya, senema, kangi—kangi panja pala pa fiketelelo ifi ni fingi, kangi ukwitikisya abana bitu bafikōlelege ikyo kifwani. Kangi polelo ukukikōlela ikyo *mama*? Ikyo kyo njila ndali fiyo ukufuma ukuya mama. Ikyo kyo kinyanyasi. Ikyo kyo katikati. Kangi pōpe abene bikutendeka u bukũyo ubwa lisiku ili. Uswe tukubitikisya abene. . . u luko lwa myenda igi abene bikufwala, ketesya abakikulu ba America bikufwala lulalula lula itolo bo abene, kangi kilikyosa. Naloliloli. Kangi u kyala gwa America yo nkikulu. Komma Yehova; abene basyumbutwikeko ku Ikyo. Komma kwa *mama* lilino, lilino bika ikyo pa lubafu, ikyo kyo kindu kyabusisya uswe tukuyobaga ikya ikyo; loli une ngusanusya *nkikulu*.

²¹ Kangi, kumbukilaga, une ngusakikisya ukuti bo kukisa ukupyuta ukukulumba, kikyō une ndikuyoba u Ntwa āmbulile une iki, loli une ngwitika kikuyaga ngapo i kindukimo kikubonekaga pakati pa lilino pamo mu kabalilo kamo mu '77. Ikyene kibagile ukubombigwa isala iyi. Loli pakati pa lilino na '77, Une ngusakikisya ukuti pamo ukubongotoka ukukulumba

pamo ukupyuta ukumalisye ukwa kisu kyosa, pakati pa lilino na '77.

²² Une nāsakikísye ikyene, mu 1933, une nāsakikísye ukuti abakikulu bikūmilisyága ukwikilila mu lwiho kang'i i kisu kikukindililaga ukugwa, kang'i abene bikūmilisyága kwa mama, pamo ukungana mama bo lula, mpaka abene bikwisaga ukuya, u nkikulu ukuya kifwani. Kang'i ukukindapo akabalilo, ukuti, "America isakulagililigwaga nu nkikulu." Simba ikyene kang'i mukéte linga ikyene kikaya kitalusye. U nkikulu isakwegaga u buyo bwa Pulezidenti pamo i kindukimo, ubwa maka amakulumba, agapamwanya gamo mwa America.

²³ Akabalilo kako, une nguyoba iki nu lugindiko, bēhe, akabalilo kako unkikulu ikusōka panja pa kubupiyilo, umwene asokilepo pa buyo bwake. Uko ko kotalusya. Kula ko kuno umwene abagile ukuyako. Panja pa apo, umwene asokilepo pa buyo bwake. Kang'i lilino, une ngaya nkafu pa bene, loli une itolo nguyoba iki kyo Bwanaloli kang'i iki i li Bangeli. . . Kwaliko ukuti u nnyambala āli mutu gwa nyumba, loli ikyo kyāli mmasiku ga li Bangeli. Umwene akaya ntu kang'i'mma. Umwene yo kyakwangasya, pamo umwene yo. . . pamo nkyungamwana pamo i kindukimo. Kang'i lilino, umma, abene bikulonda ukupakikísya imbwa, ukubomba ifyamasya imbapo, kang'i ukupimba akabwa akanini akakūlu ukusyungutila mmaboko gabo akabalilo kalikosa, ukuti ugwe ubagile ukwendendeka ikilo kyosa.

²⁴ Une—une ndikuyoba isya mama. Kyala abasaye abene. Ikyo kyo kikukolelela ikikolo palikimo lilino, mwasinda, yo mama ugwanaloliloli, nnunu, gwabusisya, mpokigwa-na-Kyala. Uko ko kotalusya.

²⁵ Loli i soni isya mumo bīkilile pási abakikulu bitu bayilíle! Une ndinako akambakasya ukufuma mu kinyuzi, une nātumwíle ukufuma ku Bwite bwa Kisukyosa ubu bwakindaga, bwakibili, aka kāyobíle, "Ulwiho lwa bakikulu ba kiMerika lubukile kugu, ukuti, ukukinda i myesi ntāndātu mfishu fya panja, abasikali bana pa bahano bosa basōsigwe mbwegi ukufuma ku bakasi babo, kang'i abene bālyegigwe ku nnyamba uyungi yumo?" Kang'i bakābagíle kópe nukugūlila ukuti abene bise ukufuma ku fisu fyapanja, abasikali kwisilya kula bikufwa pa ngunda gwa bwite! U mundu yula uyu ikubomba ikyo atikufwana ukukōleligwa mama, iyo ngamu insisya. Umma, iyene yitikufwana. Polelo une bwila ngukōleligwa "mbenga-bakikulu," loli une ngaya'mma. Une ngwinogona ukuti u nkikulu kyo kindu ikinunu, kang'i mama, fiyofiyi. Loli abene bayege pa buyo bwabo kang'i komma ukwega u buyo bwa nnyambala, kang'i komma ukwega u buyo bwa Kyala.

²⁶ Kang'i ulubunju ulu une mbilike i kipanga kya bwikemo kikuyoba, ukuti, "U mama ikulagila i ndonwa sya Kumwanya,"

kangi fyosa ifi. Une mbagile ukwinogonela aba Katolika bikubomba ikyo pa Maria umfunde, na fyosa fya luko ulu, iki, ifyakwiputa bala abakikulu abafwano, Mwikemo Cecilia kangi bosa bo abo, iki kyo bumbumbigwe bwa pamwanya ukukinda kosa ukwiputa-misyuka. Ikyo kyo kyosa ku kyene. Kilikyosa iki kikwima pakati na bafwe kyo kwiputa-misyuka. Polelo, alipo yumoywene ntiga u Mwimilila-pakati pakati pa Kyala nu mundu, kangi uyo yo Kristi Yeso. Uko ko kotalusya. Komma u mwikemo uyungi, umma nakimo panja pa Ntwa Yeso Kristi yo mwene ntiga Yumoywene Yuyo yo Mwimilila-pakati pakati pa Kyala nu mundu. Loli akabalilo kako une ngukéta i fipanga, kôpe nukwisa kunyuma kwa kigemo, bosa u busisya bwegígwe ukufuma kwa Kristi nu kubikigwa pa mama, bosa u busisya bwegígwe, polelo—polelo abene bikwanda kangi apo po ugwe ulipo.

²⁷ Polelo, loli alipo asyele u mama ugwabwanaloli. Ntufye Kyala! Itolo bo akabalilo kako ugwe kunkéta u nsyobi; alipo u Nkristi ugwabwanaloli uyu ikwitugasya ubumi bula. Pápo ugwe ulinagwe untuli, ugwe ulinagwe untwalapasi. Ikyo kyo katikati kitalusye. Kangi lilino, u luko lula ulwa mama kangi u luko lula ulwa mwana, uswe tukulonda ukuyobapo lilino mu li Bangeli.

²⁸ Lilino une nguswiga, ngimba balumiana banini balinga na balindwana uswe tulinabo ulubunju ulu? Linga umwe mpawilikisye ulufumusywo lwa Nkundwe Neville mmayolo... Ngimba balumiana na balindwana balinga aba bikulonda ukwisa kumwanya kuno nukwitugasya ku kikota kya kunkyeni akabalilo kako une nguyoba kwa umwe? Ngimba ugwe kulonda ukwisa kuno? Filipino ifikota kimokyene, fibili, fitatu, fina, fihano kuno; kimokyene apa, fyo ntândatu, kangi utukota tumo utunini kubwa kuno. Ngimba umwe mukulonda ukwisa ku nkyeni, bamo mwa umwe binitu banini mubagile ukwitugasya kisita mama gwinu, kangi ngimba mubagile ukwisa kuno? Umwe mukwambililigwa ukukinda! Aba mama bikwisa... [Nkundwe Neville ikuyoba, “Balipo bingipo; bingi-fiyu ba bene nkyumba kya sukulu ya Ndungu.”—Nsimbi] O, abène bali nkyumba kya sukulu ya Ndungu. Ena, ikyo kyo kinunu. Uswe tukugülilaga amaminiti manandi, kangi tukuyobaga, kangi abene bikusôkaga panja mu ma miniti manandi. Kangi uswe tukukômanága ukusyungutula, utwa maso amanini amatitu, aga bulauni, aga blu, pamwanya apa, kangi—kangi ukuyoba kwa yumo mwa aligwesa gwa béne. Lilino, balinga bangánile u Ntwa? Yoba, “Ameni.” [Ikilundilo kikuyoba, “Ameni!”] Umma ndaga.

²⁹ Lilino une ngulonda ukuyoba ku ba mama na bana, kangi ikyene kisosolígwe ku bene.

³⁰ Ikilo iki, linga u Ntwa iganile, une ngulonda ukuyoba pa kika ikyakwanda iki Yeso ábombíle, kangi mumo ikyene kyábombelígwe, kangi na maka, kangi ngimba Umwene

ābombīle fiki akabalilo kako Umwene ābombīle i Kyake... Ngimba balinga aba bamenye iki kyalī kīka ikyakwanda iki Umwene ābombīle? Yoba ikyene, mwesa palikimo: “Alinkusanusya a misi ukuya bwalwa.” Uko ko kotalusya, i kīka ikyakwanda Umwene ābombīle. Lilino, linga u Ntwa iganile. Akabalilo kosa une nabalaga, ulubunju ulu, ikyene kilinkwisa itolo pa minogono.

³¹ Une ngukéta uswe tulinagwe u mwinitu unnunu, Tata na Mama Yeker ku nyuma kula, une ngwītika, ulubunju ulu. Une itolo nisile ukubāgānia abene bo une ngusyumbutuka ukusyungutula iliyengo injila iyi. Ili siku limo une nālyegile ukwēnesigwa; une ngufimbilisigwa ukwikyunga ni mwene panongwa ya kwēnesigwa kuli i mbombo ya fisu fya panja. Kangi, akabalilo kako une ngusōka, ywani uyu une nālyagéne nagwe loli yu Tata na Mama Yeker, bitugesya panja pala mbofesi—mbofesi.

³² Dr. Schoen, mu Louisville, u nkundwe ugwa kiKristi unnunu fiyo. Une ngubabula umwe, une naloliloli nālyagéne nu nnyambala ugwanaloliloli, ugwanaloliloli yumo uyu itikaga mwa Kyala kangi ikubika u lusubilo pala. Umwe mumenye fiki? Une ngubabulaga umwe. Une ngubaga aba dokotala bingipo bikwitika mu bumbulusyo lwa Bwakyala ukukinda une ngwaga abalumbili. Uko ko kotalusya. Ugwe kuyoba ku bene. Bikuti, “Naloliloli.” Kangi akabalilo kako umwene... Akabalilo kako une nābukīle ukundeke, umwene alinkwega ikiboko kyangu, umwene alinkuti, “Nkundwe Branham, ugwe kubomba ifingipo ku bundu ukukinda une mbagililémo ukubomba.” Umwene alinkuti, “Uko ko kotalusya.” Alinkuti, “Ugwe ubagile ukubatula abandu aba une ngābagile kópe nukubapalamasya.” Alinkuti, “Uko ko kotalusya.”

³³ Une ndinkuti, “Ena, naloli, ugwe ubagile ukusona, pamo ukubika ikifupa, pamo i kindukimo bo ikyo. Loli Kyala yo ikubomba ububumbulusyo.”

³⁴ Umwene alinkuti, “Uko ku kotalusya.” Ameni. O, une nkuganile ukukéta abandu abapapate-mminogono, abinogonakanunu. Une ngwinogona isya bupanje, kangi isya ba dokotala ba mikota, kangi aba dokotala ba ndepa sya mfifupa, ba dokotala ba fifupa, ubumbulusyo Bwakyala, kangi fyosa palikimo, linga kimo mwa ikyo kibagile ukuntula gwēsa, une ndikunyuma kwa ikyene. Kangi akabalilo kako ugwe kwēga u dokotala ikunhelula undumbili; undumbilili ikunhelula u dokotala; kangi ugwafifupa ikunhelula—ikunhelula ugwabupanjo; ugwabupanjo ikunhelula u dokotala gwa mikota; ugwe ubagile ukwinogonela iki, kilipo kimo ikinyonwo ikya bwīmi pabuyo bumo. Uko ko kotalusya, ’nongwa yakuti yumo mwa aligwesa gwa bene asisimikisye ukuti abene bikutula umundu yumo. Uko ko katikati kotalusya.

³⁵ Lilino ikindu kya icyene kyo, une ngwinogona, linga ikinyonywo kyitu kitalusye, kangi i ndumbula syitu ndalusye ku bandu, uswe tukulondigwa twesa ukubomba palikimo ukubatula abandu abinitu, ukutendeka u bumi ubupepeko. Kangi polelo ikinyonywo kyako kyo kisita-kwiganagwimwene, ukupa u lutufyo kwa Kyala Yuyo ikupa ifindu fyosa kisitantengo. Ameni. Ena, nkulumba. O, uswe tulingasulwa ukuya na kamo aka kwiganagwimwene napamo; icyene kiyeye kipepelesye.

³⁶ Linga u dokotala gwa ndepa syamfifupa abagile ukutula *iki*, kangi u dokotala gwa fifupa ikutula *iki* kimo, u dokotala ugwabupanjo ikutula *iki* kimo, kangi i kindukimo ickingi kikutula *kila* kimo, unko uswe twiputilege ku fyosa fya icyene, ameni, ukuti Kyala isakutulaga itolo abandu Bake abapala ukuya kanunu kangi bahobofu. Panongwa yakuti, uswe tukaya na kabalilo katali fiyo ukwitugasya apa, a masiku manandi itolo kangi uswe tuli pa nsebwe, tubukile ku buyo ubungi. Polelo iki uswe tukugela ko kutendeka u bumi itolo ukuya bupepeko ukuti umwe mubagile ukuya na kabalilo kanunupo akabalilo kosa aka umwe muli apa. Ameni.

³⁷ Lilino pa lwinogono ili, unko uswe twinamisye imitu gyitu bo tukali uswe ukwigula ili Bangeli, kangi tuyobe kwa Mpoki unganigwa gwitu.

³⁸ Gwakisa gwitu, Tata Gwakumwanya, uswe tukwisa nukwiyufya fiyo ulubunju ulu mu Kuyapo Kwako, nukukupalisya Ugwe pamwanya pa filifyosa ifi fyalipo siku pa kisu, pamo fisakuyako siku, panongwa ya Ntwa Yeso Kristi. Kabuno, Umwene ali yo Yuyo Uyu atwele u mundu na Kyala palikimo, nukusayania uswe twebapelakisa basitakufwana, bahesya basitakyala, kubutali na Kyala, nu—nu lusalo, ubwa twibene, uswe twalyegile u lusalo lwitu twibene nukusokapo ukufuma ku Mwene. Kangi Umwene ali nnunu fiyo ukwisa, kangi akabalilo kosa uswe twali basita kubohosya kwa Kyala, akabalilo kosa uswe twali batulwanongwa, kubutali na Kyala, Umwene alinkutusayania uswe ukogomokela kwa Tata, ukwisila mu kona kwa Lilopa Lyake Mwene.

³⁹ Mumo uswe tukupalisya Ugwe kuli Umwene! Kangi umwisyugu ikwima ukuya Gwapakati, Yumoywene ntiga pakati pa Kyala nu mundu, Uyu abagile ukutendeka u lwiputo ukwisa mu Kuyapo kwa Kyala, ukwisila mu kigemo kya Lilopa Lyake Mwene ili Umwene alyonile ukufuma ku kisu ukubuka ku Lwimiko. Ukwisa ku kisu iki mu njila ya kibaga kimo, ukupapigwa ukufuma bulilang'ombe. Ukusoka ukufuma nkisu, ukwisila u lufundo lwa sikali. Ikisu kikandondaga Umwene mma. Kumwanya kukabagile ukummwambilila Umwene, panongwa yakuti Umwene ali ntulwanongwa, Umwene ali ni mbibi syitu pa Mwene. Ikisu kikandondaga Umwene. Abene balinkunkana Umwene, "Sokako ku Mundu

gwa luko ulu!” Umwene āli pópe...kisita bópe nu buyo ubwakupapiligwapo, pamo u buyo bwakufwilapo. Kangi Umwene alinkutulikigwa pakati pa Kumwanya na pa kisu; Kumwanya kulinkutoligwa ukummwambilila Umwene, pamo i kisu kilinkutoligwa ukuya nayo Umwene. Kangi Umwene alinkufwa, mu njila yiliyosa, ukutupoka uswe ukufuma ku butulwanongwa, ukutubumbulusya uswe ububine bwitu, ukutupa uswe ubuhobofu kangi ukwitugasya ukununu akabalilo kosa uswe tuli pa kisu. Yo Mpoki nki! O, mumo uswe tukupalisya Ugwe kuli Umwene!

⁴⁰ O Kyalā, itikisya ulutufyo lwitu lulilosa ulwa ndumbula syitu lonekelege ku Mwene, kangi Mwene ntiga. Tukusuma u lugindiko lulilosa kangi u lwiputilo lulilosa, kilikyosa iki kikisōka ukufuma ma milomo gyitu pamo i ndumbula, kili bikigwaga pa Mwene Yuyo mfwane gwa fyosa, Umwene Yuyo alitugesye pa Kikota ili siku limo, ni li Buku nkiboko Kyake. Nayumo u nnyambala Kumwanya pamo pási āli mfwane pamo ābagīle nukukéta itolo pa Buku, pamo ukwabula i Fūngilo isi syātendike Ilyene ukumyatikigwa. Kangi u Kang’osi uyu yuyo ābūtígwe, u lwalo lwa kisu, ukwisa, ukwega Ilyene ukufuma kukiboko Kyake, ukwigula i Fimyatiko nukwabula a—a Masyu, ku bandu.

⁴¹ Kangi, Tata, uswe tukusuma umwisyugu ukuti u Mbepo Mwikemo Gwake ikwabulaga i ndumbula syitu ukufuma ku ngisi yake yōsa, ukwābula u lulimi lwitu ukufuma ku kyōsa iki kyamahelu, swaga i mbibi syitu syōsa, kangi egaga i ngisi yitu yōsa, kangi gutaga i ndumbula syitu ulubunju ulu.

⁴² Kangi fiyofiyu a bana banini aba, Kyalā, basayaga abene bo abene bikwitugasya apa ulubunju ulu na ba mama babo abaganigwa. Kyalā, mumo uswe tukukupalisya Ugwe panongwa ya bwāmama, panongwa ya bakikulu ababwanaloli! Nkati mwa ngisi yosa iyi bwiputafifwani, kangi ububwapufu nu bubole bwa kisu kyapasi, pópe uswe tuli nabo aba mama abanaloliloli, ababwanaloli. Mumo uswe tukukupalisya Ugwe panongwa ya bene! Abakeke na bakangale, bosa bafwanefwane, uswe tukukupalisya Ugwe, Tata, panongwa ya bwāmama ubwanaloliloli. Kangi uswe tukusuma, Kyalā, ukuti Ugwe kubasayaga abene.

⁴³ Pakukukéta, pakuti bitugēsye apa ulubunju ulu, bingi ba bakundwe bītu na bākalmbu, bafwele amaluba amelufu, pamo u bulenge na maluba amelufu, ukusanusya ukuti u mama gwabo umpala unkemesigwa akilenie ukukinda i kikingo, ku lubafu ulungi; bakafwa mma, loli bumi kwa bwilanabwila. Ili siku limo abene bisakwisaga, bópe, ukusulukila ku kisōko, kangi kula abene bisakumbonaga umwene kangi, ku lubafu ulungi. Bingi bafwele amaluba amakesefu, mama akāli ali apa. Uswe tukukupalisya ugwe panongwa ya ikyo.

44 Tucusuma ukuti Ugwe kwisa kutusaya uswe palikimo mumo uswe tukufunda i Lisyu Lyako, kabuno uswe tucusuma ikyene mu Ngamu ya Kristi. Amen.

45 Lilino u Ntwa abasayege umwe. Kangi uswe tukwanda itolo pa Lisyu ulubunju ulu. Lilino, ikyakwanda, bo ikanda ingino innini iyi, une ninogonile aba mama kangi abanike abanini. . . Kangi abene lumo bikumbilikaga une, pakuti ikindu iki kili nalyo i lisyu ilinywamu. Kangi une nguyapa pakupa ulukino ulunini, panongwa yakuti une nâketesyâga lilino mu ngomano syangu, utubalilo tumo ingino sikutûla fiyo. Ngimba umwe mutikwinogona lulo? Abinitu abanini bikupilikisya ikyene kanunupo. Une ngukéta pa balumiana babili abanini, aba maso-mamulike bîtugesye, bikukéta kwa une lululu ulu, aba bisakuyaga banyambala kilabo linga isakuyangako kilabo.

46 Kangi lilino bo tukâli ukuya nalo ulukino lululuosa, pamo kalikosa akangi aka kakubombigwa nkipanga, ikyene kikufimbilisigwa ukuya nu lwalo lwa mu li Bangeli. Amen. Ulwene lukufimbilisigwa ukuya lwalo lwa li Bangeli. Ikyakwanda, unko uswe tusanukile kula kwa Matai, untu gwa 16 ni linandi lya 25, kangi uswe tukubalaga amanandi aga. Ikyakwanda, akabalilo kosa aka uswe tukubala, ukwitendekesya, lumo ukufika akabalilo kala abinitu abanini bisakuyaga basôkile. Lilino Matai 16:25, uswe tukubala iki:

Kabuno aligwesa uyu isakupokaga u bumi bwake isakutagaga ubwene: kangi aligwesa uyu ikutaga u bumi bwake panongwa ya une isakubwagaga ubwene.

47 Lilino, ili lyo Lisimbo ilipala fiyo. Unko uswe twesa tubale ilyene palikimo. Ngimba umwe mukuyoba fiki? Aligwesa, abana banini na bosa, palikimo lilino. [Nkundwe Branham na ikilundilo bikubala Lisimbo palikimo—Nsimbi]

Kabuno aligwesa uyu isakupokaga u bumi bwake isakutagaga ubwene: kangi aligwesa uyu ikutaga u bumi bwake panongwa ya une isakubwagaga ubwene.

48 Umwe mumenye, balumiana na balindwana, kangi une mmenye abakusipo bisakwikyela iki itolo lulalula bo banike bikwikyelaga. Loli, i Lisimbo lila lipala fiyo! Kangi a Masimbo gamo gâkulondigwa fiyo mpaka Kyala ikugabika agene mu syôsa sina isya Inongwainunu: Matai, Mariko, Luka, na Yohani. Loli, iki kyâli kyâkulondigwa fiyo mpaka Umwene âkibikile katandatu kosa mu Inongwainunu! Katandatu kosa iki kyâsôkile pa milomo Gyake Gyene, Yeso.

49 Lilino kula kwa Mariko, uswe tusakanukila kula, ku ntu gwa 8 gwa Mariko, kangi ukwanda ni linandi lya 34, kangi une ngubalaga gamo kula. Kangi une ngulonda umwe ukuketésya apa kangi, ukukindilila kunandi itolo ikya iki kuko Yeso âyobile ikyene. Kangi kumbukilaga, Umwene âkibikile ikyene katandatu kosa mu Inongwainunu, ukuti ikyene

kisisimikigwege! Bubili bo buketi, loli Umwene ābikīle ikylene katatu kosa ka ikyo, muketile, ukuti ikylene kiyege naloliloli ukuti umwe mukukumbukilaga ikylene.

Kangi akabalilo kako umwene ābombīle—akabalilo kako umwene ābombīle lulo abakōlīle ku mwene kangi abafundigwa bake bōpe, umwene alinkuyoba ku bene, Aligwesa uyu isakwisa kungōngaga une, unko umwene ikanege mwene, . . . apimbege ikipingika kyake, kangi angōngesyēge une.

⁵⁰ Lilino, yumo mwa basanusyi alinkubika, “Apimbege ikipingika kyake nu kungōngesya Une i lisiku lililyosa.” Lilino, lilino ilinandi ga 35. Pilikisya:

Kabuno aligwesa uyu isakupokaga u bumi bwake isa kutaga ubwene; loli aligwesa uyu isakutagaga u bumi bwake panongwa ya une kangi ni nongwainunu, yulayula isakupokaga ubwene.

Kabuno go kyo kiliku iki kisamfunjisyaga u mundu, linga umwene isakufunjaga i kisu kyosa ikyapasi, kangi nukutaga u moyo gwake mwene?

Pamo kyo kiliku iki u mundu isakupaga ifyakutabilila u moyo gwake?

⁵¹ Lilino unko uswe twege ilinandi lya 35 ili kangi twandisye ilyene palikimo lilino. Umma ndaga. Lilino unko uswe tuyobe ilyene palikimo. Uswe tukwegaga u Mariko 8:16, lilino unko uswe tuyobe ilyene palikimo; Mariko 8:16, ngusuma uluhobokelo lwinu, Mariko 8:16, 35. Umma, une nsōbile ikylene pōpe. Mariko 8, nhobokelaga une. Mariko, Mwikemo Mariko, untu gwa 8, ilinandi lya 35. Lilino unko uswe tugele ilyene. Mwikemo Mariko, untu gwa 8, ilinandi lya 35. Lilino uswe tulyāgīle ilyene. Unko uswe tulibale ilyene. [Nkundwe Branham ni kilundilo bikubala i Lisimbo palikimo—Nsimbi]

Kabuno aligwesa uyu ikupokaga u bumi bwake isakutagaga ubwene; loli aligwesa uyu isakutaga u bumi bwake panongwa ya une kangi panongwa ya nongwainunu, . . . isakupokaga ubwene.

⁵² Ikyo kyo kyapamwanya? Lilino, uswe tukubukaga itolo nkyeni na kapango kitu akanini, kangi akabalilo kako abanike bikwisa abene bikwegaga u buyo bwabo. Mwe bapakikisya-bahesya ketésya abene pápo abene, mwākimyemye. . . umwe kētaga linga umwe mubagīle ukubatwala abene nkati muno, bo uswe tukwega nukupa a kapango kitu. Uswe tukwāлага iki, ulubunju ulu, pa lukino. Kangi une, akabalilo kingi, apa a masiku manandi aga gakindilepo une. . .

⁵³ Nkundwe na Kalumbu Wood āli na une, une ngusubila, kumwanya kula ku lukomano lwabumalikisyo, kangi une nayobaga ku fyakulya Fyandubunju fya Christian Business

Men. Kangi une nabapele ulukino ulunini lwa Sakai mu... mmwanya mu mpiki gwa nkuyu, kangi, akabalilo kako Yeso ālisilēko, na mumo umwene ālyegīle ikindobo ikyamindu, umwe mumenye (nukukinisia ikyene), kangi ukufyuka mu mpiki, ukumbona Yeso; ukyulusi itugesye mmwanya mu mpiki, umwe mumenye, ukwifisa ukufuma kwa Yeso. Kangi Yeso akāmenye kuko umwene aliko, tutigi, umwe mumenye. Kangi polelo umwene alinkuti, “O, abene bikumbula une ukuti u Nnyambala yula ikumanya ifindu kangi abagile ukuyobela-ngāni ifindu, kangi ikumanya kuko iswi yāli ni kikopala. Une ndikwitika ikyene'mma.” Kangi Yeso alinkwenda palapala pási pa mpiki. Kangi umwene alinkuti, “O, Umwene ikutoligwa ukumbona une, une nitūgesye mmwanya mu mpiki.”

⁵⁴ Yeso alinkwima nukukéta mmwanya, nukuti, “Sakai, ika pási.” Akāmenye kwene ukuti umwene āli mmwanya mula, loli Umwene āmenye ukuti umwene āli yo ywani.

⁵⁵ Polelo une ngwinogona ulukino ulunini utubalilo tumo lukutūla abandu baiyolo, abalumiana na balindwana baiyolo, kifwanefwane ba batubwa.

⁵⁶ Polelo lilino ugwe ubagile ukundalusya une, ukufuma pápo iki kimalike, “Nkundwe Branham, ngimba ugwe kufyaga kugu ifya bandu aba ni ngamu?” Bamo mwa abene, une ndūlígwe nu mwinangu unnunu, Nkundwe Booth-Clibborn. Kangi uyungi na Josephus, ugwasymbukulu unkulumba. Kangi polelo amabuku pa syambukūlu aga une mbalile, isya kyakuboneka iki, na fyosa. Kangi umo mo une ngusyagila inongwa syangu ukufuma mwa iki une ngupaga u lukino ulubunju ulu, pa iki.

⁵⁷ Une ngukéta abanini bitu bikusōka panja lilino, kangi ku kapango aka ulubunju ulu káko uswe tukupaga. Lilino umwe mwe balumiana na balindwana banini, linga umwe mubagile, nu bwingi bwa aba bikulonda, isaga itolo pamwanya apa pankyeni. Uswe tulinafyo i fikota fihano pamo fihano na kimo fisitabandu. Linga umwe mukulonda ukwisa kunokuno pamwanya apa, uswe tuku hobokaga ukuya na umwe. Abene bikwingila itolo nkabalilo kake ku kalukino akanini panja kuno.

⁵⁸ Kangi lilino umo mo mumo une ngwisa ukusyaga i nongwa, mumo une ngwisa ukuyaga iyene. Yumo abagile ukupika nukuyoba, “Ena, une ngabalamo siku ikiyabo kila mu li Bangeli.” Loli, linga ugwe ukābombile, isyambukūlu syākyagile ikyene, umwe muketile. Polelo akene ko kosa kapango kafwanefwane, kwene kukuti akene kapegígwe mu—mu—luke lwa lukino lunini.

⁵⁹ Kangi, polelo, ikyo kyo kyene! Ikyo kyo kyene! Uyo yo nkundwe gwako unnini? O, umwene naloliloli ikuboneka bo ugwe! Kangi umwene yo ndumiana unnunu. Ugwe ubagile itolo ukumanya ukuti umwene yo ali. Umma ndaga.

⁶⁰ Lilino umwe mukulonda ukwisa pa mwanya apa nukwitugasya pási apa? Balipo abalindwana abanini babili, pamo balindwana banini batatu. Mwe, ikyo kyo itolo kinunu kangi kinyafu! Lilino une ngulonda... Akapango akanini aka ulubunju ulu ko ka balindwana na balumiana banini. Ndindwana Collins, une ngusubila uyo yo ugwe pala, kangi undumbugo unnini uyungi; ugwe kulonda ukubuka kulakula kula, luuki, nu kwitugasya pási. Ena, une ngusubila bulipo u buyo papapa apa, linga u nkikulu abagile—abagile ukusosyapo aka buku-kamunyambi kake. Kangi—kangi polelo papapa ukukilania *apa* filipo ifikota fibili ukukilania apa.

⁶¹ Une ngulonda bosa aba balumiana na balindwana abanini pa mwanya apa kunkyeni, ukuti une njobe ku bene. Apa, apa uswe tulinafyo ifikota fimo apa. Uswe tukuketesyaga itolo ukuti umwe mukufyagaga ifikota. Ena, nkulumba. Bamo mwa bene bisakututulaga papapa apa. Polelo, uswe tukulonda iki ukuya itolo ku balumiana na balindwana banini. O, mwe! Ngimba ikyo kikaya kinunu? Lilino ikyo kyo... Une ngusubila ugwe kufimbilisigwa ukuya nafyo ifingipo finandi, Nkundwe Neville, une ngubabona babili abakongelelapo bikusuluka. Kangi lilino ikyo kyo kinunu itolo!

⁶² Ngimba balinga aba mama bali apa? Fyusya ikiboko kyako. O, ikyo kyo kinunu! Lilino, ikyo kyo itolo kinunu kangi kinyafu.

⁶³ Lilino linga umwe balindwana banini muli ku nyumba mukulonda ukwisa kuno, isaga itolo nkyeni, linga umwe muli bakusi bafwane ukuya pa butali na mama. Kangi mama ikulonda ukukutwala ugwe ku mwanya kuno, ena, mbula umwene ukuti ise kunokuno itolo. Ikyene kya kwa mama, yope. Umma ndaga, lilino.

⁶⁴ Une ngubabula umwe, banike, uswe itolo tubalile ilinandi. Ngimba umwe mukulonda ukwandisya na une? Ngimba umwe mwesa mukulonda ukwandisya ilinandi ili na une? Lilino, iliyene lyo likwagigwa mwa Mwikemo Matai, untu gwa 16 ni linandi lya 25, iki uswe tukuyobaga ngapo. Lilino utunini utu... Aligwesa u ndumiana nu ndindwana unnini, ulubunju ulu, andisya iki na une lilino: [A balumiana na balindwana bikwandisya ukufuma kwa Nkundwe Branham—Nsimbi]. Ikuti, “Mwikemo Matai, untu gwa 16, i linandi lya 25.” Lilino umwe mwandisyege na une: “Kabuno aligwesa uyu isakupokaga u bumi bwake isakubutagaga ubwene; kangi aligwesa uyu isakutagaga u bumi bwake panongwa ya Une isakupokaga ubwene.” Isakupokaga ubwene. Unko uswe tuyobe kangi: “Aligwesa uyu isakutagaga u bumi bwake panongwa ya Une isakupokaga ubwene.” Kinunu!

⁶⁵ Lilino, balumiana na balindwana, umwe mumenye fiki? Filipo ifindu fingi fiyo nkisu kya pasi ifi naloliloli fyantengo. Kangi kimokyene mwa fingi filu kyo, umwe muli nakyo na yuyumwe umwisyugu, ikyene kyo moyo ugu guli nkati mwa

mbili gwinu. Kangi ikyo kyo kindu ikya ntengo ikikindefyosa nkisu, kwa umwe. Ngimba ikyo kitalusye, mama? Yoba “Ameni.” [A bamama bikuyoba, “Ameni.”—Nsimbi] I kindu ikyantengo ikikindefyosa iki umwe muli nakyo go moyo gwako. Kangi linga ugwe kuyūnga u moyo gwako, polelo ugwe kuyaga pakugutaga ugwe. Kangi linga ugwe kutaga u moyo gwako, polelo ugwe kuyaga pakugupoka ugwe; linga ugwe kugutaga ugwe kwa Yesu, muketile. Mmasyu agangi, linga kwitika pa Yesu, ugwe kuyaga mfundigwa Gwake. Kangi linga ugwe kupa u bumi bwako kwa Yesu akabalilo kako umwe muli bakeke bo ulu, kangi polelo ugwe kubukaga uku . . . Umwene isakupokaga ugwe ku Bumi bwa bwilanabwila. Loli linga ugwe—linga ugwe kulonda ukugukyunga ugwe, ugwe kutagaga ugwe; ena, ugwe kutagaga. Ugwe kulonda ukubombela bo aba abalindwana abangi na balumiana apa, nukusoka panja nu kubomba mumo abene bikubombela, polelo ugwe kwisa—ugwe ku—ugwe kutagaga ugwe. Loli linga ugwe kulonda ukupa u bumi bwako kwa Yesu, polelo ugwe kuyapakuguponesya ugwe kwa Syepwa na bwilanabwila.

⁶⁶ Lilino, umwe kukumbukila kila lilino, ukuti ikylene kyo kindu kyantengo unkindefyosa nkisu kyosa, go moyo gwako unnini. Kangi linga kugukyunga ugwe, ugwe kwisa kutagaga ugwe; linga ugwe kugupa ugwe kwa Yesu, ugwe kuguponesya ugwe. Ngimba umwe mubagile ukuyoba ikyo na une? Linga . . . [A balumiana na balindwana bikwandisya ukufuma kwa Nkundwe Branham—Nsimbi]. Yoba, “Linga une nkugukyunga ugwe, une ngugutagaga ugwe; kangi linga une ngugupa ugwe kwa Yesu, une nguguponesyaga ugwe.” Ikyo kyo kyene! Lilino umwe mukyagile ikylene. Ngimba ikyo kikaya . . .

⁶⁷ A bamama bosa aba bikwinogona ukuti kila kyali kinunu, yoba, “Ameni.” [A bamama bikuyoba, “Ameni!”—Nsimbi]. O, ikyo kyo kinunu! Ikyo kyo kinunu.

⁶⁸ Lilino, umwe muketile, apo po kilipo ikindu kimokyene iki ugwe ubagile ukubomba. Lilino, umwe kindililaga. Linga abene bikulonda ukubombela bo ikylene, kangi nukuya nafyo ifinyonywo-nkisu . . . Linga a balumiana na balindwana bikulonda ukubuka panja pala nu kubomba ifindu, nu kuyoba i nongwa nu kuyoba ifindu ifi fisobi, kangi—kangi ukusyoba nu kuhiya, kangi—kangi ukubomba ifindu ifibibi, ukwegelela mu sukulu, ni findu, kindililaga; abene bikutaga. Abene bikutaga ugwe. Loli linga umwe mukupaga ugwe kwa Yesu, abene batisakubomba ikyo'mma, kangi polelo ikylene kisakuguponesyaga ugwe. Ikyo kyo iki umwe mukulonda ukubomba. Bule kikaya ikyo?

⁶⁹ Lilino uswe tukuya pakwanda na kapango kitu akanini. Lilino, ulo lo lwalo lwitu, lilino umwe mukumbukilege ikyo.

Lilino unko uswe twandeko a kapango kitu akanini. Lilino, ku bandu bakusi, kangi ku—ku batata na bamama, umwe pilikisya, numwe, lilino; umwe, fiyofiyo umwe bamama na batata. Lilino itolo . . .kangi uswe tukwandaga. Ngimba umwe mutuganile u tupango utunini? Mutuganile umwe? O, une ntuganile itolo utwene! Fiyofiyo lilino . . .Umwe mukubala u tupango utu tukaya twabwanaloli. Loli a kapango aka ka bwanaloli, u Bwanaloli kimalisye, i Lisyu lya akene. Akene kali mu li Bangeli ya Kyala, polelo akene kikufimbilisigwa ukuya Bwanaloli, muketile, panongwa Ilyene lya Lisyu lya Kyala. I Lisyu lya Kyala lya Bwanaloli.

⁷⁰ “Lilino, umwe mumenye,” alinkuti, “Une ngatele fiyo. Une—une ne—une ne ngatele fiyo ukuti mfwe.”

⁷¹ “Ena,” alinkuti, “fiki ugwe utikubuka mmwanya mwa nyumba nukwakugona utulo? Ukulambala pa kitala, i sofa pa mwanya pala, nukwakugona utulo.”

⁷² Umwene alinkuti, “Loli, o, une ngatele fiyo.” Umwene alinkuti, “O, lūki, linga ugwe gwaaketile ifi une naaketile umwisyugu! O, une ne . . .une, fiki . . .Une ndikulonda fyope ni fyakulya fyakunamayolo! O, ikylene kinyali, ikyakukéta iki une ngetile umwisyugu!”

Alinkuti, “Ena, kyo kindunki iki ugwe uketile umwisyugu?”

⁷³ Alinkuti, “Ena, ngabagila ukukubula ugwe, bo abana bakāli, o, ikylene kyāli kinyali! Mwe, ikylene kyāli kibibi!”

“Ena, kyo kindunki iki ugwe uketile umwisyugu?”

⁷⁴ “Ena, une ngubukaga mmwanya mula nukulambalala itolo panini pakabalilo, kangi polelo—kangi polelo ukufuma pa fyakulya fyakunamayolo akabalilo kako uswe tukubabika abana ku bugono, polelo une ngukukubulaga ugwe iki kyaabonike umwisyugu.”

“Umma ndaga,” umwene alinkuyoba.

⁷⁵ Kangi mmwanya mwa nyumba umwene alinkubuka. Umwene alinkulambala pási. “O, ngatele fiyo! O, mwe!” Umwe mumo baba ikuyīla akabalilo kako umwene ikuya nkatale, itolo naloliloli nkatale!

⁷⁶ Kangi ukukinda akabalilo, akalindwana akamulike-maso akanini, akene kalinkwanda ukubopabopa ukusyungutila pa kipalo, nukuyoba ukulata panandi. Alinkuti, “Sh-sh-sh, sh-sh-sh, komma ukubomba ikyo. Ugwe kunsumusyaga uguso. Kangi, o, umwene akatele fiyo mpaka umwene—umwene ālondága ukufwa. Umwene akālondaga ukuya mumi kangi'mma. Kangi linga u baba ikwisa ukuya nkatale bo lula, ena, uswe tundeke umwene agone pa kabalilo kanini. Komma ukunsumusya umwene.” Kangi unnini Miriamu, akene kakubuka kula nu kwitugasya pási, ukuya naloliloli gwakimyemye.

77 Kangi ukukinda akabalilo kanandi umwene aatendekisye ifindu fyakugonela, polelo umwene ikunyatukila mmwanya mwa nyumba kangi umwene—umwene ikunkolela umwene, “Amram?”

78 Kangi umwene alinkuti, “Ena, Yoshebedi, kuno. Une ngwisa pási.” Polelo abene bikusuluka pasi ma fyukilo, umwe mumenye, kangi abene bāli ni findu-fyakugonela finunu.

79 Polelo bo abene balíle ifyakulya fyakugonela, kangi u nnini—u nnini u ndumiana nu ndindwana unnini bālile fyosa ifyakulya fyakugonela, fiki, abene. . .mama alinkusengula ifindu kangi umwene alinkubasomeka abēne nkitala.

80 Kangi polelo umwene ikubuka nkipinda, umwene nu ndume gwake, kangi abene bikwitugasya pási. Alinkuti, “Ena, lilino, kyo kindunki iki ugwe gwāketile umwisyugu, Amram, iki kikapelile ugwe fiyo—fiyo ukusulumania ikilo iki, mpaka ugwe ukālon-daga nukuya nu bumi?”

81 “O,” umwene alinkuti, “nganigwa, une—une ngabagila ukukipilikisya ikyene'mma.” Umwene alinkuti, “Une nāketile. . .Ena, uswe tukukibona ikyene ili siku lililyosa, loli umwisyugu kyāli kyapasima.” Alinkuti, “O, une—une ngetile ikindu ikisisya ukukinda fyosa ifi une ngetilemo.” Alinkuti, “Abalumiana bitu abapelakisa, bamo mwa bene bakafika ni fynja kalongo na fibili mbukusi, ukukwaba ikigileta ikinywamu ikyaiyolo kila, ni ngoye ukusyungutula amakosi gabo bo *lula*. Kangi abanike abapelakisa bala balinkukwaba mpaka abene balinkutoligwa ukukwaba kangi mma, pa mwanya pa kifyuke ikinywamu kila, imibwe iminywamu ku nyuma kula, kangi abene balinkutoligwa ukukindilila pa butalipo. Kangi ukukinda akabalilo ikigileta ukulila nu kubuka naloliloli panandi fiyo, kangi ukukinda akabalilo ikyene kilinkwima. Pási pa nsebbe palinkwisa u nnyambala, o, umwene āli nsitandumbula! Umwene alinkulalata panja, ‘Fiki umwe mukukīmika ikigileta iki?’ ‘Whupu!’ ni mikyapi gila iminywamu imikulumba igyanjoka, kangi ukukoma iyene ku nyuma, kangi ililopa likusōka ukufuma ku nyuma syabo, nukubopa ukusuluka bo *lula*. Kangi abanike abapelakisa bala itolo balinkumilisya ku lugoye nu kukūta.” Alinkuti, “O, Yoshebedi! Uswe tukubomba kiliku, mama?” Alinkuti, “Uswe tuli bandu ba Kyala. Kyala atusayile uswe. Uswe twe bana ba Abraham, Isaki, na Yakobo. Kangi fiki uswe tukuyaga batumwa pási apa ku findu ifi? O, ikyene kyo kibibi mumo a balumiana bala bākutlāga. O, kangi une ngwiputa kangi une ngwiputa kangi une ngwiputa, Yoshebei, kangi kiboneka ukuti Kyala itolo atikumbilika une yope. Une ngwiputa kangi une ngwiputa, kangi Umwene ikuboneka bo fikuti asanwīsyē imbulukutu yamapuli, Umwēne atikumbilika une na panandi. Umwene ikuboneka bo fikuti Umwene atikupasya kangi'mma.”

⁸² “Lilino,” umwene alinkuti, “kéta, Amram, uyo atikupilikigwa ukuya bo ugwe'mma. Ugwe gwe bāba ugwanaloliloli, kangi ugwe...Uyo atikupilikigwa ukuya bo yo ugwe, panongwa yakuti ugwe akabalilo kosa kutukasya uswe, ukutubula uswe ukuya nu lwitiko mwa Kyala.”

⁸³ “O, loli, gwempala, akabalilo kako une ngwiputa fiyo, kangi pópe Kyala atikumbilika une, kangi kikuboneka ukuti ikyene itolo kikuya kibibipo akabalilo kosa. Linga ngwiputa ukongelelapo, po ukwene kukuya kubibipo.”

⁸⁴ Loli, balumiana na balindwana banini, ngimba Kyala ikupilika u lwiputo? [A balumiana na balindwana bikuyoba, “Ena.”—Nsimbi]. Umwene ikupilika u lwiputo. Ngimba Kyala ikwamula u lwiputo? [“Ena.”] Ena. Ngimba Umwene ikwamula naloli mbibimbibi? Komma akabalilo kosa. Ngimba Umwene ikubomba? Umma. Utubalilo tumo Umwene ikututendeka uswe ukuti tugülile. Ngimba uko ko kutalusya? [“Ena.”] Loli, Kyala ikwamula u lwiputo, bule Umwene? Kangi inongwa itolo yakuti kilikyosa kikubuka mbusobi, ikyo kikaya kimanyilo ukuti uswe tuleke ukwiputa. Uswe tukukindilila itolo ukwiputa, muli mosa, bule uswe? Uko ko kutalusya. Lilino, umwe mwamwile nukutalusya. Kyala ikwamula u lwiputo. Unko uswe tuyobe ikyene palikimo. “Kyala ikwamula u lwiputo.” Ena. Kali fyo filiku ifi fikusyungutila, Umwene ikwamula, muli mosa. Umma ndaga.

“Ena, ngimba umwe mukuya pakwiputa kangi?”

⁸⁵ “Ena.” Kangi bāba āli ni kyumba kyasofu pa mwanya pala kububika-fyombo kuko umwene ābukága ukwiputa. Polelo umwene ikusumuka pala ikilo kila, umwene ikufugama pasi pa lubafu, umwene alinkuti...Lilino umwene alinkuti, “Yoshebedi, lilino ugwe bukaga nukubuka ukugon'utulo, kangi ugwe na banike. Panongwa yakuti, komma ukunsugania une, une ngubuka kukwiputa lumo ikilo kyosa ikilo iki.”

⁸⁶ Polelo umwene ikufugama pa fifundo fyake, kangi umwene ikwiputa kangi umwene ikwiputa. Une ngumbona umwene ikufyusya ifiboko fyake, nu kuyoba, “O Kyala gwa Abraham, Isaki, na gwa Yakobo, kumbukilaga u lufingo Lwako ku bandu Bako! Apa uswe tuli kubutali pási apa ku Igupto, kangi uswe tuli mbutumwa. Kangi, o, abalagili bitu abagási biku—biku tuguta uswe ukubomba i findu, nu kutukoma uswe ukusyungutila, kangi a bandu bitu abapelakisa biku—biku fūligwa imyenda ukuya bwāsi, kangi abene bikutukoma uswe ni ngili. Kangi uswe twe bandu Bako. O Kyala, naloliloli Ugwe kwamulaga u lwiputo lwitu! Naloliloli Ugwe kwamulaga u lwiputo lwitu! Kangi une ngwiputa kangi une ngwiputa kangi une ngwiputa, kangi Ugwe kufwana ukuya bo Ugwe utikukunyāmula nukunyāmula'mma. Loli, Kyala, une ngwitika ukuti Ugwe gwe Kyala, kangi Ugwe

kubumalikisyo kwisa kwamula u lwiputo.” Kangi umwene alinkukindilila ukwiputa bo lula, kifuki ikilo kyosa.

⁸⁷ Kangi ulubunju lwa kilabo, ukufwana isala ya butatu pamo ya buna, umwene ikusuluka ntufyukilo utunini. Kangi umwene ikukéta ukukilania pala, kangi pala âlipo unkasi unnini unganigwa, unnini Yoshebedi. Umwene âli mula nkitala agonil’utulo. Kangi unnini Aroni nu nnini Miriam bâfundikigwe nkitala, polelo abene bâli itolo bătulo mumo abene bâbagile ukuya, kangi bikugona utulo itolo. Umma ndaga. Umwene ikuyoba ku mwene. . . Umwene alinkuyoba, “Ukwene kukwisa ukuya kwilile, kangi ugwe itolo kwisa. . .”

⁸⁸ “Ena, une nîputîle ikilo kyosa.” A maso gake gâtimile na māsosi, panongwa yakuti umwene abakūtîlâga a bandu bake.

⁸⁹ Kangi umwene alinkuti, “Kéta kuno, Amram, ugwe ungabukaga mbukafu fiyo pa kyene’mma.”

⁹⁰ “Lilino,” umwene alinkuti, “pilikisya, gwempala. Ikyo kyo kinunu. Loli lilino keta, ugwe uli na bana babili ukuswila apa. Kangi u nsigo go gwangu. Linga u munduyumo atikwiputula a bandu bitu abapelakisa, fyo fiki ifi abene bikuyaga? Ngimba fiki ifi fikubonekaga linga u munduyumo akaya na bandu aba ku ndumbula? U munduyumo ikufimbilisigwa ukwiputa.”

“Ena,” umwene ikuyoba, “Amram, u nsigo gukaya gwako gosa’mma.”

⁹¹ “Ena, ikyene kikuboneka ukuya. Kangi muli mosa, une ngwiputaga, muli mosa, akabalilo kalikosa!”

⁹² Ikubuka ku mbombo i lisiku lila. Kangi i lisiku lililyosa umwene ikwisa nu kubuka, kangi ukusukulika kulakula ukwaiyolo. Kangi umwene âli ni mbombo ingafu. Umwene âfimbilisigwaga uku. . . Abene bônaga a matipa mfikomboli ifikulumba ifinywamu, kangi umwene afimbilisigwaga ukwima pala kifuki ni ng’anjo inywamu yila. Akabalilo kako abene bāyīgûlâga iyene, o, mwe, iyene yasupulaga ikipapa kyake kifuki, ubupyano ububibi bula! Umwene agutaga ingelwa sila ukugomokela mula nu kwenga isyene, ukusitwala isyene panja; ukuyenga imisebwe imikulumba iminywamu, kangi ifisônge ifikulumba ifinywanu ifitali, ku bakyalala fifwani na filifyosa. Kangi u nnyambala u Nkristi pási pala ikubomba bo lula, kuli u ndugu. Loli umwene âli ntumwa, umwene âli mbupinyigwe. Umwene âfimbilisigwaga ukubomba ikyene.

⁹³ Ikilo kilikyosa akabalilo kako umwene ikwisa ku kaya, umwene iputaga. Kangi ukubuka pa mafyukilo kangi, kangi ukwiputa kangi ukwiputa kangi ukwiputa, kangi ukugomokela kangi pási. Kukâyaga kanunupo’mma; kulinkumilisa ukuya kubibipo.

⁹⁴ Kangi ilisiku limo kula ku mbombo umwene âpilîke inongwa. Alinkuti, “Ngimba ikyo kyo fiki? Ngimba ikyo kyo

fiki? Mbula une!” Yumo alinkuheha ku nnine. Ukukindapo akabalilo, bo i lisiku likamalika, iyene yāli nkisu kyosa, iki kyayaga pakuboneka.

⁹⁵ Ngimba ikyene kyāli fiki? Ikibugutila kyayaga pakwagana ikilo kila. Unkangale Mwalafyale Farao, u mwalafyala unkangale umbibi ayaga pakubakōlela a bandu bake bosa palikimo, kangu nu kuya ni kibugutila ikingi ikinywamu. Polelo abene bāli nu lukomano lwa kibugutila ikikulumba pási pala.

⁹⁶ Polelo ikilo kila umwene alinkubuka nkati, o, umwene āli itolo pási. Umwene ikwingila mula, kangu unkasi ikuyoba, “Amram, gwempala,” umwene ālyagene nagwe pa kifigo nu kumfipa umwene, kangu alinkuyoba, “Une ndēndike ifyakulya fyako ifyakugonela naloliloli kanunu kangu kilungwile. Loli,” alinkuti, “gwempala, ugwe kuboneka ukuya mbūlūke fiyo. Fyo fiki ifi fitamisye?”

⁹⁷ Alinkuti, “O, Yoshebedi, linga ugwe gwāmenye itolo ifi fikubombigwa! O, ukwene kubibi ukukinda mumo kuyililemo siku!”

“Fiki?”

⁹⁸ “Sh-sh, ngabagila ukuyoba ikyene, abana bakāli balipo. Gūlila mpaka ukufuma pa fyakulya fyakugonela, kangu une ngukubulaga isya ikyene.”

“Ndaga.”

⁹⁹ Polelo, umwene ātendekisye ifyakulya fyakugonela. Kangu alinkutwala ifyakulya fyakugonela pala, kangu ukwega a bana bosa nu kubabika abene nkitala.

¹⁰⁰ Polelo, abene bālingile nkati. Umwene alinkuti, “Yoshebedi, une ngulonda ukukubula ugwe i kindukimo.” Alinkuti, “Kimo mwa findu ifibibi ukukinda fyosa fikubombigwa.”

“Fiki?”

¹⁰¹ Alinkuti, “Abene bikuyaga ni kibugutila ikingi umwisyugu, ikilo iki. Kangu linga abene bikuyaga, abene bikubikaga imisigo gimo igingi pa uswe twe bandu.”

¹⁰² Polelo, kokuti, unko uswe tubuke ku nyumba ya mwalafyale. Mwalafyale Farao ikubatwala abene bosa panja pala, kangu alinkuti, “Umma ndaga, mwesa umwe balagila-bwite! Fyo fiki fitamisye na umwe ukusyungutila apa? Une mbapele umwe indagilo ukusyungutila apa! A bandu aba bikwiyongelela akabalilo kosa! Ngimba kitamisye kyo kiliku? Ngimba uswe tukabagila ukwimika iki?” Alinkuti, “I lisiku limo pisakwisaga ababwite abangi nkati muno. Kangu abalugu bitu bosa aba, ukufuma mu Goshen ukukilania kula, abanya Israeli, bisa kulūngisaniaga na bābwite aba, kangu abene bisakutuponjolaga uswe. Kangu ikyuma kyitu ikikulumba kisakubongotoligwaga pási, i kitangalala kyitu ikikulumba kisakonangikaga. Abene

bisakutwegaga uswe. Kyo fiki iki kitamisyé na umwe? Yoba nukufyusya a masyu, mundu yumo! Ngimba umwe mukamanya i kindukimo ikya kuyoba?” O, umwene āli gwakabini fiyo, kangi gwakabini fiyo. Bosa abalagila-bwite, bikutetema.

Yumo mwa bene alinkufyuka mmwanya, kangi alinkuyoba, “Yaga nu bumi butali Mwalafyale Farao.”

“Ena, yoba iki ugwe kuyobaga!”

¹⁰³ Alinkuti, “Yaga nu bumi butali mwalafyale. Ubwapamwanya bwako, nkulumba,” umwene alinkuti, “Une ngunyonywaga ukuti ugwe ubīke imisigo mingipo pa bandu.”

¹⁰⁴ “Ugwe mutu-ndulale! Umwe mutalile mubikile imisigo gi mingi pa bandu, kangi pópe abene bikwiyongelela. Fiki, umwe, linga iyo yo fundo syōsa isi umwe muli nasyo, kyungaga iyene kwa gwimene!” O, umwene āli nkafu.

¹⁰⁵ Ukukindapo akabalilo yumo alinkufyuka mmwanya, u lusekelo ulunywamu ulukulumba pa kisyo kyake, bo yo sétano. Kangi umwene alinkuti, “Yaga nu bumi butali Mwalafyale Farao.” Alinkuti, “Une ndinayo i fundo.”

Alinkuti, “Ena, yoba lataga! Komma ukwima apo bo lula!”

¹⁰⁶ Umwene alinkuti, “Une ngukubulaga ugwe iki uswe tubagile ukubomba.” Alinkuti, “Umwe mumenye, a bandu aba bikubāla mbibimbibi fiyo.”

¹⁰⁷ “Ena, ikyo kyo kotalusya!” Alinkuti, “Bamo mwa bene, bamo mwa bandu bābo kangi balinabo a bana bābingi ukufwana kalongo na bana, utubalilo tumo abene bali na bana malongo mabili. Kangi a bandu bitu bakaya nayo lumo na yumoywene.” Alinkuti, “Abene bikubāla mbibimbibi fiyo, abene bikukupilila itolo ikisu kyosa.”

¹⁰⁸ Muketile, Kyala ābombaga i kindukimo. Muketile, Kyala akabalilo kosa ikukwabila ikikupililo pamwanya pa maso ga sétano, umwe muketile. Muketile? Umwene amenye iki Umwene ikubomba. Muketile? Kangi bosa abakikulu aba itolo bikuya na bana ba bingi.

¹⁰⁹ “Fiki,” umwene alinkuti, “yaga nu bumi ubutali mwalafyale. Ena, une ngukubulaga ugwe fiki. Akabalilo kalikosa u nkikulu ikupapa ku mwana undumiana... Bukaga panja nkisu apa kangi egaga abakikulu bamo aba bakaya... aba bakaya bamama. Umwe muketile, abakikulu aba bakayamo siku na bāna, abakikulu aba batikubalonda a bāna kangi bakabagana a bāna, abalosi abaiyolo abatali-mbulo. Muketile, linga imbulo ndali, po kinunupo! Inyobe isyaiyolo indali, ifisyo ifisinguligwe, kangi kabege abene. Abene bakamanya iki u lugano lwa mama luli. Popapo polelo akabalilo kako u mwana undumiana unnini ikupāpigwa, fiki, unko abene babuke nukwakummwega u mwana undumiana unnini yula, nukuntwala umwene panja nukutayula untu gwake ku kibumba, ukukatagila

akene ukugomokela mu nyumba yila ku nna bo lula. Ntaga umwene pási pa kisiba ikinywamu. O, kinunupo ukukinda ikyo, mwegaga umwene panja nukupinya amaboko na malundi gake, nukuntaga umwene panja, nukutupisya i ngwina. Iyo yo njila iyakukisösyápo ikylene. Polelo abene batisakubälaga fiyo'mma, 'nongwa yakuti patisakuyapo na banyambala basyele; tugogile bosa abanike abalumiana abanini."

¹¹⁰ "O," Farao ikuyoba, "ikyo kyo kinunu! Iyo yo fundo inunu!" Muketile iki u sétano ali? Umwene yo mbibi, bule umwene? Alinkuti, "Polelo ikyo kyo kindu ikyakubomba! Buka ukege. . . Ugwe ulinabo. . . Lilino, ukuya ukuti ugwe gwáli ni fundo, une ngukukupelaga ugwe uyege nkulumba gwa ikyo. Ugwe kubukaga panja na bakikulu abaiyolo bosa aba ugwe ubamenye, aba—aba bakayamo siku bāmama, kangi abene batikubagana a bāna mma. Kangi abene bo. . ." Abene. . .

¹¹¹ Umwe muketile, ikylene kikwegela u mama ukungana u mwana. Umwe mukukumbukila mumo mama ābaganile umwe? Ena, lilino kéta, mama ikubagana a bāna banini.

¹¹² Loli abene balinkufimbilisigwa ukwega u mundu yumo uyu—uyu abene baka. . . uyu akáli nabo a bāna mma, akālonidaga na bāna mma, itolo—itolo—itolo abakikulu abaiyolo abagasi. Kangi alinkuti, "Bapelaga abene bapōlisi. Kangi akabalilo kako ugwe kubapela bapolisi, kangi kubapa abene indagilo ukuti abene babagile ukubuka nkati mu nyumba yiliyosa iyi abene bikulonda, kangi ega umwanike aligwesa panja nukutayula untu gwake ku kibumba, kangi kipaga ikylene ku ngwina ukuti silye. U mwanike unini aligwesa!" O, bo bugasi buki! Polelo ugwe kumanya iki abene bābombile?

"Syosa silikanunu, ikyo kyo kinunu!"

¹¹³ Polelo i lisiku ilikonge akabalilo kako Amram āli pasi pala ikubomba, umwene i nongwa yila yatendekigwe.

¹¹⁴ O, umwene ikubuka ku káya. Umwene alinkuti, "O, Yoshebedi! O, nganigwa, unko une ngubule i kindukimo. Ugwe umenye ukuti ululagilo lula lwáli, lufumusigwe? Ukugoga bosa abana a balumiana." Kangi umwene alinkumbula umwene. Alinkuti, "O, une ngabagila ukwikasya pa kyene." Mmwanya mwa nyumba umwene alinkubuka kangi, ukwiputa. Ikilo kila umwene āliputíle kisita kufwana mumo āliputilemo siku pa butasi.

¹¹⁵ Ngimba uswe tubagisenie ukumilisya ukwiputa? O, kindililaga ukwiputa! Ngimba uko ko kotalusya? Kindililaga itolo ukwiputa, kali fiki ifi fikubombigwa. Kindililaga ukwiputa!

¹¹⁶ Lilino, kangi ikindu kyakwanda ugwe umenye, umwene āliputíle ikilo kyosa, "O Kyala, yaga gwakisa! Tula, Kyala! Uswe tukusuma ukuti Ugwe kututūlaga uswe mu njila yimo."

Ukugomokela pasi umwene alinkwisa, kifuki kubupande bwa lisuba.

¹¹⁷ Lisiku ukufuma lisiku, kangi, o, yo ngũto nki ukusyungutila nkisu! I lisiku lililyosa abene bāpilikāga a bamama bikukūta, ukubuka nu kugomokela mu ngindi. Abene begaga a bāna babo abanini ukufuma mmaboko gabo, ababo abanini, abanike abalumiana abakomu abanini. Abalosi abaiyolo bala bīngilāga nkati mula kangi, nukwega utulundi twabo utunini, kangi nukubapula abene ku kibumba nukubagoga abene, kangi ukubasopa abene mu ngwina. U mama umpelakisa ābukāga pa fifundo fyake, kangi umwene ākutāga, “O, komma ukumwega u mwāna gwangu! Komma ukumwega u mwāna gwangu!” Kangi, o, ko kabalilo kaki aka abene bāyaga nako!

¹¹⁸ Umwe mumenye mumo mama ikuganila u mwāna unnini, kangī mumo umwene ukubapapila abene pa kilefu. Kumbukilaga mumo mama akwegelaga ugwe kangī—kangī ikukōsya ugwe, kangī ukukufipa ugwe, kangī—kangī—kangī āyobāga mumo ugwe gwāyilīle mmogi. Kangī mumo umwene ākubikilāga ugwe nkitala pa kilo. Kangī, o, linga—linga ugwe ubagīle... akafigo akanini kābagīle ukwiguka, akambepo akanini kakwisa ukukinda, i kindukimo bo ikyo, o, mwe, umwene ābopāga mbibimbibi nukwakwigala ikifigo, ukukinga u mwāna unnini, kangī, umwe mumenye, umwene ākegāga akene. Umwene ākuganīle ugwe. Muketile? Umwene ākuganīle ugwe. O, umwene akiganile akandu akapelekisa kala aka Kyala ālīmpēle umwene, aka kāli kasitabutuli kangī kakābagīle ukwītula kene, polelo umwene ālinganīle u mwāna unnini yula. Kangī umwene itolo āmfipāga a bāna bake abanini nu kusāla nabo, panongwa yakuti umwene āli mama gwanaloliloli. Muketile?

¹¹⁹ Loli a bakikulu abaiyolo aba aba bikugoga a bāna, abene bakāmenye iki u lugano lwamama lwāli. Abene bakāli bamama mma. Fyosa ifi abene binogonelaga, abene itolo bāli na kabalilo akanywamu pa minogono gabo, i findu fya nkisu, polelo abene bīngilāga nkati nu kugoga a bāna banini bala. Umwe mwe bakeke fiyo ukuti mumanye, loli ikylene kikāli kikubombigwa. Uko ko kutalusya. Lilino umwe mwe bakusi mumenye isi une nguyobapo. Uko ko kutalusya, fingi fiyo ifya ifyene! “O,” umwe mukuyoba, “Une āngāli ndikwega...” Loli ukutag'ikifuba kyo kindu kifwanefwane. Umma ndaga, loli umwe muketile abene bakamanya iki u lugano lwa mama luli. Lilino umwe mumenye iki une ngusanusya akabalilo kako une nguyoba, “a bamama banaloliloli!” Uko ko kutalusya. Kukayapo ukukindana; u sétano yulayula! Polelo pala, akabalilo kala, abene... Itolo inogona isya maelifu ukōlosya maelifu ukōlosya maelifu ikyinja kilikyosa, ukuya kibibi mumo ukwene kwāyilīle mu Igupto, pamo kibibipo.

120 Kangi pala, akabalilo kala, abene balinkwingila, abene bakāli nalo u lugano lwa mama, polelo abene bēgaga a bāna banini bala nu kubagoga abene. O, ukwene kulinkukindilila ukuya kubibipo kangi kubibipo. Kangi i lisiku limo palinkwisa i nongwa iyingi, abene bikuyaga nu lukomano ulungi.

121 Farao ākolīle bosa abakambala bake palikimo, abene, bosa ba abene palikimo, abene bakinkwingila mula: alinkuti, “Umma ndaga, abene bakāli bikubāla! Ngimba uswe tukubombaga fiki ukufwana ni kyene lilino?”

122 Umyana uyu ugwaiyolo unkomu, untelemuke ugwakisyo-kyasétano, alinkusumuka mmwanya. Umwene alinkuti, “Yaga nu bumi butali Mwalafyale Farao. Une ndinayo i fundo. Kéte, ugwe ulinabo unnyambala ikubomba. Ugwe kubatendekāga abene ukuya ubupime bwa ngelwa, ubwingi bwakuti pisiku lililyosa, batendekāga abene batendekége isyene ukufuma ku mabuba. Ugwe uogile a—a bāna banini ni findu, loli abene bakāli bikubāla. I kindu iki ugwe kufimbilisigwa ukubomba, ko kubika a bakikulu kukubómba, bópe. Linga ugwe kubabikaga a bakikulu kukubomba, polelo abene bātisa. . .” Lilino, ubo bukaya buyo bwa nkikulu. Umma. Polelo abene balinkuti, “Loli ugwe babikaga a bakikulu kukubomba, kangi babikāga abene panja pala, kangi unko abene batendekége i ngelwa, bópe. Kangi polelo abene bisakuyaga bakatale fiyo akabalilo abene bikwingila, abene—abene bakabagila ukubapiyila ifyakulya fyakugonela ikya balume babo, abene bakabagila ukuya yo mama nnu, muketile. Kangi polelo abene bisakuya ku mbombo nu kukindilila nkyeni mo mula, polelo abene—abene kakabagila ukubomba ikyene. Polelo, ugwe babika abene ukubomba imbomba, bópe.”

123 “Ikya kyo kinunu! Mwe, ugwe gwe nnyambala gwamahala.” Polelo umwene ikubabika a bakikulu bosa kukubomba.

124 Kangi apa ikwisa umpelakisa ugwaiyolo Amram, ikwisa nkilo kila, alinkuti, “O, Yoshebedi, une ngamanya iki uswe tukubombaga. Lilino abene bikubabikāga a bakikulu bosa kukubomba. Une—une ngukubula ugwe, o, une itolo ngamanya ikyakubomba! Uswe tuli—uswe tuli—uswe tuli itolo. . . Uswe tuli batumwa, kangi uswe tukuya kububibipo kangi kububibipo. Une—une ngusakikisya iki: linga Kyala ikubombelamo uswe siku kalikosa, akene kisakuyaga ukufuma pápo uswe tufwile.”

125 Lilino, Kyala atikugūlila bo lula mma, bule Umwene? Umma. Kyala itolo ikutukétesya uswe utubalilo tumo, bule Umwene? Umma ndaga.

126 Polelo akabalilo kala ikilo kila, umwene alinkuti, “Une ngubūka mmwanya nukwakwiputa bo mumo une ngīputilāmo siku pa butasi!”

127 Lilino, iyo yo njila iya kwiputa, bule iyene? Iputa bo mumo ugwe ukīputilāmo siku pa butasi, naloliloli isaga pa kabombo!

Muketile, linga ugwe itolo kufyuka itolo nu kuyoba, “Ntwa, nsayaga *Gwakuti-na-gwakuti-na-gwakuti*,” Kyala atiku—atikwega i kinyonywo fiyo ku ikyo. Loli akabalilo kako ugwe naloliloli kwisa kula ku kabombo! Akabalilo kako umwe mwe balumiana na balindwana banini mukwiputa, mukwisa kula ku kabombo! Ngimba mukubomba ikyo ku sukulu? Ngimba umwe—umwe munkunsuma Kyala ukubatula umwe mu sukulu? Akabalilo kako—akabalilo kako umwe mukubuka ku sukulu, kangi umwe mutikutendeka ubufyuke ubununu fiyo’mma, umwe ingilaga mula nu kuyoba, “Kyala, une—une ngulonda Ugwe undule une.”

¹²⁸ Ngimba umwe mukwiputa? Balinga a balumiana na balindwana banini bikwiputa? Unko uswe tukéte amaboko ginu. O, ikyo kili kanunu. Lilino, ikyo kyo kinunu. Ngimba umwe muli nu buyo ubwakwifisa kuko umwe mukubuka kukwiputa, kuko mâma na bâba batikukubona ugwe pópe? Ngimba umwe mukwiputa bo ulo? Umwe—umwe mutikwiputa bo ulo? Ukuya na ka buyo kanini, ukunyâtukilako nu kwakwiputa, nu kwakuyoba u lwiputo lwako u lunini. Umwe yobaga ulwene ikilo kilikyosa bo umwe mukâli ukubuka nkitala? Akabalilo kako umwe mukusumuka ndubunju, ni kindu? O, ikyo kyo kinunu. Balinga abangi a balumiana na balindwana abanini (fyusya ikiboko kyako) aba bikwiputa? Uko ku nyuma ya nyumba. O, ngimba ikyo kikaya kinunu? Ena, lilino, ikyo kyo kinunu. Ikyo kikunangisya umwe mulinayo u mâma nu bâba ugwanaloliloli uyu ikukumanyisya ugwe ukubomba ifindu ifi. Lilino, lilino akabalilo kako naloliloli ugwe kwisa kuya mbupina, ugwe kinunupo iputaga nindumbula yosa. Bule ugwe?

¹²⁹ Polelo, unnini Amram, mmwanya mwa nyumba umwene ikubuka. O, mwe! Umwene akâlondága ni fyakulya nafimo. Umwene âtile, “Ikyene kyo kibibi fiyo. Mwe!”

“O,” umwene alinkuyoba, “ugwe kufimbilisigwa ukulya i fyakulya fyakugonela, bâba.”

“Ngabagila itolo ukubomba ikyene, Yoshebedi. Une itolo ngabagila ukubomba ikyo. Une—une . . .”

¹³⁰ “O,” alinkuti, “loli ugwe kugandaga, kangi ugwe uli nulutende, kangi ugwe ubulwike nkisyo kyako. Ugwe kutêka ifyakulya fyako, ni findu.”

¹³¹ “O, une ngamanya ikyakuti mbombe! Loli,” umwene alinkuti, “gwempala, linga u munduyumo atikubegela abandu aba ku ndumbula, linga u munduyumo atikwiputula a bandu, ngimba uswe tukubomba fiki? Uswe tukuya kibibipo. Naloliloli, akabalilo kamo, Kyala isakutupilikaga uswe!”

¹³² Ena, uko ko kotalusya. Uko ko kotalusya. Kyala isakupilikaga. Ugwe isaga pási kukabombo kangi itolo syalaga pala!

¹³³ O, akabalilo aka ikubuka mmwanya mu nyumba mula nu bukindane. Akabalilo kako umwene ikufyuka mmwanya akabalilo aka, umwene ikufugama pási, umwene ikubika ifiboko fyake mmwanya mu mbepo, ukukúta, “Kyala, une nguyoba kwa Ugwe lilino!” Ameni. Ukwisa ku kabombo! “Kyala, Ugwe uli ni mbulukutu, kangi Ugwe ubagile ukupilika. Ugwe uli na maso, kangi Ugwe ubagile ukukéta. Ugwe uli nu kukukumbuka; Ugwe ulimenye i Lisyu Lyako. Ugwe umenye u Lufingo Lwako. Une ngupepeka kwa Ugwe, Kyala, kéta pási apa, Ugwe gwe Kyala gwa Abraham, Isaki, kangi Yákobo, ukuti a bandu Bako bali mubutolwe, kangi abene bikufwa. Bomba kimo kuli uswe, Kyala! Uswe tukufimbilisigwa ukuya na Ugwe lululu ulu! Uswe itolo tukufimbilisigwa ukuya na Ugwe, pamo uswe tukupyutigwaga. Uswe tukufimbilisigwa ukuya na Ugwe. Uswe itolo tukufimbilisigwa ukuya, linga uswe tukuyaga bumi.” Apo po kabalilo kako ugwe naloliloli kwiputa. O, umwene áliputíle!

¹³⁴ Umwe mumenye, utubalilo tumo a bandu akabalilo kako abene bikwiputa, abene bikukatala. Ngimba abene batikukatala, yûba na bâba? O, bikwisa ukuya bakatale fiyo! Nkundwe Branham utubalilo tumo ngwisa ukuya nkatale fiyo mpaka une kifuki ngusilika akabalilo kako une ngubuka ku kwiputa akabalilo katali; itolo ngufika pa kusilika, ukubuka kisita kulya, ni findu, ku masiku; kangi ukwiputa kangi ukwiputa kangi ukwiputa, kangi ukulumbilila. Kangi une itolo ngwisa ku buyo une ngisakusilikaga, kifuki. Kangi utubalilo tumo a bandu bikufika injila iyo. Ako ko kakaya kabalilo akákulekesya mma. Umilisyaga! Kyala isakwamula! [Nkundwe Branham ikukung’usya pa kigemo katatu kosa—Nsimbi]. Ena, nkulumba. Umilisyaga ukukolelesya! Ena, nkulumba.

¹³⁵ Polelo umwene ikufyuka mmwanya ntufyukilo utinini, utwaiyolo utuywege. Kangi une mbagile ukunkéta Yoshebedi ikusegelela, nu kuyoba, “O, Amram, komma. Lûki, une—une ngwitika . . .”

¹³⁶ “Lilino, Yoshebedi, kéta, ugwe uli kanunu, nganigwa . . .” Umwene áli mâma mmogi, nnunu nnini. Kangi umwene alinkumfipa umwene pa lisaya, umwe mumenye, kangi nukunsisita umwene bo *lula*. Alinkuti, “Lilino, mâma, ugwe gomokela nukwakumbika Aroni na—na Miriam unnini ku kitala. Kangi une ngubuka kukwiputa. Kangi lilino, linga ugwe kupilika une ngukúta, komma ugwe ukufyuka kula.”

¹³⁷ “Ena, loli, Amram, ngimba ugwe kubombaga fiki, lûki? Ugwe uli kifuki ufwile.”

¹³⁸ “Ena, loli une—une ndinago u nsigo ugwa bandu pa ndumbula yangu. Une ngufimbilisigwa ukubomba i kindukimo isya ugwene. Une ngufimbilisigwa ukusyala pa mafundo gangu. Kangi polelo a bandu bosa . . .” Umwene alinkuti, “Umwisyugu,

gwene umwisyugu, pási pa kyulu kya ngelwa, une nãli pási pala, nãkindililága ukuyoba, ‘Ena, naloliloli, Kyala isakutupilika uswe!’ Kangi u nnyambala yumo ugwaiyolo unywamu alinkwisa, ukubika amaboko gake pa misana, nu kuyoba, ‘Mo ndili apa Umwene isakupilikaga? Mo ndili apa Umwene isakupilikaga?’ Uketile mumo a bandu bikwisa kópe ukuya bakáli? Abene bikuya balwana na Kyala, panongwa yakuti abene bikwiputa kangi bikwiputa kangi bikwiputa, kangi nakimo kikuboneka. Kangi yumo uyu ikwiputa kangi ikwiputa kangi ikwiputa, kangi nakimo kikuboneka. Kangi bosa abaputi bikuyoba, ‘A masiku ga fika gamalike, kangi i kindu kimokyene iki uswe tubagile ukubomba ko kwibila itolo pási ku aba babombesyambombo aba bikwiputa abiputabapanja, pamo abakyala bapanja, kangi na fyosa. Kangi ngimba uswe tukubombaga fiki?’” Loli umwene alinkuti, “Loli une ngwitika mwa Yehova! Ameni! Une ngwitika Umwene ikwamula ulwiputo!”

¹³⁹ Ngimba umwe mukwitika ikyo? [Ikilundilo kikuyoba, “Ameni!”—Nsimbi]. Ugwe kwitika ikylene? Ameni! Mwesa mwa umwe mwe mukwitika, yoba “Ameni.” [“Ameni.”] Akáli ikwamula u lwiputo! Umma ndaga.

¹⁴⁰ U mbili ugwaiyolo umonywa, agandile fiyo. Pamwanya pa mafyukilo amaywege umwene ikubuka, ikubuka ukukilania kula, nu kwakufugama pási. Umwene alinkuti, “O Yehova!” O, umwene alinkwiputa mumo umwene akáliputilémo siku pa butási! Umwene alinkuti, “Yehova, kéta kuno! Ugwe gwe Kyala gwanaloliloli. Uswe tukwitika ukuti Ugwe uli ni mbulukutu. Uswe tukwitika ukuti Ugwe uli na maso. Kangi Ugwe umenye i findu fyosa. Kangi uswe tukwitika ukuti Ugwe gwe Kyala gwa ba Hiburi, kangi uswe twe bandu ba lufingo. Uswe tukwitika Ugwe kuyunga i Lisyu Lyako.” Alinkuti, “Kéta ku bapanja aba panja pala, mumo abene bikwegela ukusukulika kwitu ukwaitolo, kangi nukuyenga i misebwe iminywamu imikulumba ni fifwani, na filifyosa. Ugwe, Yehova, ngimba Ugwe ubagile ikwitugasya Kumwanya nu kwitikisya abasitakyala balagilege pa Ugwe? Une ndikwitika Ugwe kubombaga ikylene.” Ameni!

¹⁴¹ Une ngãli ndikwitika ukuti Umwene ikubombaga ikylene! Ameni! Akabalilo kako sétano ikwisamo, Kyala akáli yo Kyala! Kutalusya! Umwene atisakwitikisya aba sétano aba ukubomba ikyo. Une ngwitika ikyo, umwisyugu, ukuti akabalilo kako ubwigufu nu butoyofu, kangi nu bubole bosa ubu bukukindilila; pópe, Kyala akáli ikulagila kangi Umwene akáli yo Kyala! Kutalusya! Iki uswe tukulondigwa yo munduyumo bo yu Amram, ali nu nsigo nu ndumbula yake, uyu isa kusyalaga pala kangi nukwiputa ikylene ukukindilila, mpaka Kumwanya kukupātuka ukwiguka kula, Kyala ikusuluka pási nukwamula u lwiputo. Ameni.

¹⁴² “Lilino keta kuno,” umwene alinkuti, “Kyala, ngimba Ugwe

kwitikisya abapanja bũgililége a bandu Bako bo ulu? Imilungu ni myesi ni fyiya fikindilepo. Uswe tukwiputa kingikingi, na māsosi, loli. . . [U buyo busitakandu pa tepi—Nsimbi]. O Kyala, ngimba Ugwe kwitikisya i kindu ikya luko ulu?”

¹⁴³ Une nguswiga umwisyugu, ukuti akabalilo kako abamia ba twana utinini tukusopigwa nkisoko na mfitubwi, kangi kisitakwitikisigwa ukuya nu bumi, kangi imbalilo sya aba bikusōsya inyanda na filifyosa ifingi fikubombigwa; O Yehova, ngimba Ugwe kwisakwitikisya u luko lwa findu ifi ukukindilila? [Nkundwe Branham ikukung’usya pa kigemo ntāndātu kosa—Nsimbi]. Umwisyugu, akabalilo kako ukachasyo nu bwalwa, kangi u bumi bwa nkilo, na filifyosa, fikukūta panja. Kangi kyópe ni kigemo kisile ukuya kyonywa fiyo mpaka abene bali nulutende ukuyoba kalikosa aka ikylene. Yehova, ngimba Ugwe kwisakwitikisya ubutoyofu bwa luko ulu ukukindilila? Umwene isakwamulaga i lisiku limo. O, ubugási Bwake bupelalutende akabalilo kako ubwene bukwisa. Ena, nkulumba. A bakikukulu bikusōka panja nukupela a maso ga bāna bābo ukuya kapake ka sogoto-sya-ngāmba, mwakubikamo umfwāndilo mumo, na filifyosa. Kangi a bandu bikwega a bāna bābo abanini panja ku filabu fya bwalwa, a balindwana na balumiana banini bitugesye, ifyiya ntāndātu pamo lwele mbukusi, ukunwa, ni findu bo ifyo. Kangi i kisu kikwitikisya ikylene, kangi, “Ikyene kili kanunu kyosa.” O, mwe! Mukwinogona Yehova atikukibona ikyo? Akabalilo kako, abene bikubaseka a bandu aba naloliloli batalusye na Kyala. Fyosa ifindu ifi fikukindilila, ukuseka. Kolelela lululo, itolo umilisyaga ukukolelela lululo! Yehova isakwamula. Komma ukupasya. Umma ndaga.

¹⁴⁴ Uswe tukukindilila pabutalipo panandi. Uswe tukummwaga umwene pala ikwiputa. Kangi umwene itolo ikwisa ukuya nkatale fiyo, umwene ikulambalala pási. Umwene itolo ikwiputa mpaka umwene itolo ikugwa pa kipālo. Umwene akabagila ukukindilila pabutalipo, kangi umwene alinkunsipukapo panandi. Umwene alinkusumuka mwanya. “Ngimba kitamisye kyo fiki? Kéta ukusyungutula apa! Ngimba u Lumuli ulu lufimile kugu? O, kéta, lwimile mula mu ngutó.” Pala ālimile u Gwandumi, u lubo Lwake lutulikigwe pala pa lubafu Lwake. O, umwene alinkuketa kangi, kangi umwene alinkwifyula mmaso gake. Umwene alinkwikwabila mmwanya pa mafundo gake, umwene alinkuti, “Ntwa, o, o, fiki—fiki Ugwe ubagile ukulonda ukufuma kwa une?”

¹⁴⁵ Umwene alinkuti, “Amram, Une ne Gwandumi gwa Kyala. Une ndumigwe ukufuma Kumwanya, ukukubula ugwe ukuti Kyala apilike u lwiputo lwako. Kangi Une nisile ukukubula ugwe ukuti Umwene ikutumaga u mpoki. Umwene ikukukumbukila syosa ifingo Syake.” Une ngunketa u Gwandumi lilino; nkéta Umwene, Umwene ikukwabila panja ulūbo ulu. Umwene

ikubusôsôla ubwene kululu. Amram ikukéta. Umwene alinkuti, “Itolo kúsulo kwa lubo ulu kilambalele i kisu kyâlufingo. Kangi Une nafingile kwa Abraham, Isaki, na Yâkobo aba tata bako, ukuti mwe bandu umwe mwisakwingila ikilingo i kisu kila. Kangi Une mbilike ukung’ung’usya kwa bandu, Une mbilike ukukúta kwa bâna, kangi Une ngusuluka pási. Kangi Une ngulonda ugwe ukumanya ukuti ugwe kukinaga ikiyabo ikikulumba mu iki, Amram, panongwa yakuti ugwe gwáli nsubiligwa mu lwiputo. Ugwe gwáli nsubiligwa mu nyumba yako. Kangi ukufwana akabalilo aka ikyinja kya kilabo, Yoshebedi, u nkasigo unganigwa unnini, isakúbatilaga u mwána u ndumiana unnini. Kangi u mwána u ndumiana unnini isakuyaga mpoki.” Lwimiko!

146 Umwene alinkuti, “O, ena. Ena. O, ena. Ena. O, Umwene yo mmogi fiyo.” Umwene alinkukéta, kangi u Gwandumi alinkwanda ukufyukila mmwanya. Kyabonekaga itolo ukuti ku mwanya kosa kwâligwíke, kangi Umwene alinkusôka ukufuma nkyumba. Umwene alinkûgulila panandi itolo. Umwene alinkuti, “O, une ngaya nsyutano mma.”

147 Pási pa nyumba pala umwene alinkubuka, nakalinga naloliloli, nukuyoba, “Yoshebedi! Yoshebedi, nakalinga itolo!”

Alinkuti, “Ena, fiki fitamisyé, gwempala?”

148 Alinkuti, “Itugasya sumuka!” Kangi ubwelu bwamwesi bukubala ukwisila mwibwindo, âli...Umwene abonekaga mmogi. Kangi umwene alinkuti, “Une mfumile itolo pakuketa u Gwandumi gwa Kyala, kangi Umwene ambulile une ifindu fyosa ifi.”

“O, ngimba Umwene âbonekága bulebule?” alinkuyoba u mãma. “Ngimba Umwene âbonekaga bulebule?”

149 Alinkuti, “O, Umwene âli mmogi. Umwene âfwele u nselekesye ugwakumwekuka. Amaso Gake gamulikaga. Kangi Umwene âli nu lubo nkiboko Kyake, kangi Umwene âsolilile kululu.” Iyo yo njila, umwe mumenye, i kisu kyalufingo kilambalele ukufuma ku Igupto; ku mwanya injila yila, Palestina. Umwene alinkuti, “Umwene âsolilile kululu. Kangi Umwene âyobága ukuti uswe tukuyaga nu mwána ukufwana akabalilo aka nkyinja, kangi u mwána unnini uyu isakusókaga nukuya mponjoli, kangi isakubângâga a bandu Bake. O, haleluya, Yoshebedi!”

150 Kangi umwene alinkunkétesya umwene ukuti ali nswepu. Ikisyo kyake, a maso gake gâng’âtúkâga, a maso gake amakulumba gâketâga. “Yoshebedi, ndimba fitamisyé fiki?”

“O, Amram! Umma, umma, umma! Uswe tukuyaga nu mwána ndumiana?”

“Ena.”

151 “O, ugwe. . . Ikyene kikabagila ukuya. Ugwe umenye fiki? O, angali ugwe ukayamo nayo siku imboniboni iyi. Ugwe umenye fiki, Farao, umwene ikugoga abana bosa abanini.”

152 “Ena. Loli, ugwe umenye, linga Kyala ikutupa uswe u mwana uyu, Kyala isakupakikisyaga u mwana uyu. Amen! Kyala aŋgingile. Kyala isakupakikisyaga umwene.”

153 Ena, i lisiku ilinine umwene ikubuka panja ku mbombo. Kangi abinake bosa ku mwanya kula, abene balinkukétësya Amram. Mbuyo bwa kwisa, umwe mumenye, ukuya nkonyokele pási mosa kangi nkatale, áli ni fibega fyake mmwanya, alinkuti, “Twalaga i ngelwa nyingipo. Isaga, unko uswe tubuke!”

“Ngimba kyo kitamisye fiki?”

“Lwimiko kwa Kyala! Kyala isakwamula u lwiputo.” O, umma. . .

154 Umwe mumenye, ikyene kikukupela ugwe ukwipilika kanunu akabalilo kako ugwe kuya nu kwamula kumo. Ngimba uswe tukamanya ikyo, bába na yūba, akabalilo kako Kyala ikupa ukwamula? Ugwe utikufimbilisigwa ukukéta i mboniboni. Itolo manya ukuti ilyamulo liliko, ikyo kyo kyosa. Ikyo kyo kyosa, itolo manya ukuti ilyamulo lilipo.

155 Lilino, pilikisya kifuki iki lilino, une ngulonda umwe mupilikisyege, iki kyāboníke. Lilino umwe mumenye, bo kakindilepo akabalilo, alinkuti, “Umma ndaga, Amram, ngimba kyo kiliku iki kitamisya na ugwe?”

156 “Kyala isakwamulaga u lwiputo! Kyala isakwamulaga u lwiputo!”

“Ena, Umwene isakwamulaga u lwiputo bulebule?”

“Ikyo kitikupela ubukindane nabumo.”

157 Yumo ugwaiyolo umiana alinkwenda ukusegelela, kangi alinkuti, “Lilino ngimba mondili ugwe kwinogona Umwene isakwamulamo siku?”

158 “Ena, une ndisakukubulaga ugwe mma, panongwa yakuti ugwe gwe nsitamwitiki, muli mosa. Ndwalila une i ngelwa isingi.” Ikusitagila isyene mula bo *lulu*. . .? . . . Komma ukupasya; ugwe utikufimbilisigwa ukubabūla abasitakwitika ifindu fyosa, bule ugwe? Kitikupela ubukindane bulibosa mma. Umma, nkulumba. Naloliloli umma. “Twalaga kwa une i ngelwa isyakongelelapo. Aleluya! Kwisaga ukwamula u lwiputo!” Iyo yo njila ugwe kwipilikila kabalilo kako ugwe umenye ikyene kikubonekaga. Ngimba kikaya kyene? Ena, nkulumba.

“Ena, Umwene ikubombaga ikyene bulebule?”

159 “Ugwe ukamanya, muli mosa, polelo itolo umilisyaga ukutwala i ngelwa.” Sibike isyene syōsa nkati mula, syōsa i ngelwa syaiyolo sīngíle nkati mula.

160 Ikilo kila umwene ābukile ku kāya, alinkuti, “O, Yoshebedi, inogona isya ikylene, uswe tukuyaga nu mwāna! O, umwene ikuyaga mbāngi! Kyala ikuntumaga umwene. O, ikylene kikuyaga kinunu.”

“O, loli une fiyo ndi . . .”

161 “O, sōkako kukupasya! Sōkako kukupasya! Mwe! Kyala ali pa—Kyala ali pa bumalikisyo bwa kupilikisya lilino. Kyala ali nasyo i mbulukutu; Kyala abagile ukupilika. Kyala ali na maboko; Umwene abagile ukubānga.” Polelo, o, umwene āli nu lwitiko lwingi fiyo.

162 Umwe mumenye, akabalilo kako ugwe kwiputa ukukindilila, ugwe kulwagaga ulwamulo, ugwe naloliloli kulwaga u lwitiko lwingi akabalilo kala. O! Ngimba ugwe gwiputilemo siku kuli kandukamo, kangi ugwe umenye ukuti Kyala abukaga ukubombela ikylene kwa ugwe? Ngimba umwe mwe balindwana banini mukubomba ikyo, kangi umwe mwe balumiana banini? Ena. Naloliloli. Ikyo kyo kabalilo kako Umwene . . . Ako ko kabalilo kako ugwe kumanya ikylene kisakubonekaga. Umma ndaga.

163 I kyinja kyosa kilinkukinda. Kangi i kindu kyakwanda umwe mumenye, apa ikwisa Amram ukwingila ukufuma ku mbombo i lisiku limo. Kangi fiki fyābonike? U mwāna unnini u mmogi ukukinda bosa, o, umwene āli nganigwa unnini, ubutali ubwakufwana *ulu*. Kangi polelo umwene alinkumpimba umwene, ikuntwala umwene kwa Amram. Kangi umwene ikumfipa umwene, umwe mumenye. Umwene anganile umwene, muketile. Kangi māma alinkōlile umwene. O, bo bukabi buki! Umwene alinkuti, “O, une ndinlutende fiyo, palema, ugwe umenye. U mwāna unnini uyu, umwene yo luko lwa kindu kinini ikinoge.”

164 Kangi umwe mumenye fiki? Ili Bangeli liyobile ukuti yula āli yo mwana unini ummogi ukukinda bosa aba bapapigwemo siku. Lilino une mmenye a bamama bikukanikanaga na une pa ikyo. U-huu. Abene binogonaga . . . U māma gwako inogonaga ukuti ugwe gwe yo mwāna unini ummogi ukukinda bosa. Bule umwe? Ena. Umwene ali nu bwabuke ukwinogona ikyo. Loli ili Bangeli lyāyobile uyu āli mwāna unnini ummogi ukukinda bosa. O, umwene ali ibwe-ipala. Kyala ali na maboko Gake pa mwene, umwe mumenye. Polelo, o, umwene āli kandu kanini kamogi ukukinda bosa! Umwene ālambalalaga pala, kangi umwene—umwene itolo ātendekega ukusekelela kunini itolo, kisita mino nagamo.

165 Ugwe ukāli nagwe unkundwe unnugunago unnini na bene, babombaga ikyo, kabalilo kako umwene akāli nago nagamo—nagamo a mino, itolo ukusekelela bo *lula*?

Kangi i kindu kyakwanda umwe mumenye, “Ng’wee!”

“O, mwe, bununu! Whuu! Une mmenye, unko uswe tumfise itolo umwene.”

“Ngimba kitamisye kiliku? Ngimba kubomba fiki?”

¹⁶⁶ “Mwegéla umwene pási pa nyumba. Ugwe umenye iki ululagilo luli. Uketile, linga undosi yula ugwaiyolo untali-mbulo ikwisako kuno, abene bisakwegaga u mwána gwitu nu kukagoga akene. Uko ko kotalusya. Uswe tukabagila ukukaleka akene kakútege.” Polelo, o, akene kálondigwága akamo—kálondigwaga akamo akákulya ka kulubunju pamo akakugonela. Polelo u máma ikukega akene ku ngutó, umwene ikunwesye’ilibebe akéne, umwe mumenye. Kangi polelo umwene áli kanunu mosa akabalilo kala.

¹⁶⁷ Polelo ikilo ibili ukufuma pala, abene bāsalaga nagwe, kangi, “Ng’wee!” Uyo alinkubuka kangi, umwe mumenye, alinkwanda ukukúta. Ukusókapo umwene alinkubuka nakalinga naloliloli, kangi ukumfisa—ukumfisa umwene naloliloli nakalinga bo lula. Kangi pási pa nyuma, ku butali ku nyuma, nkibumba, Amram atendeki akabuyo akanini kuko umwene ábagíle ukumfisa u mwána.

¹⁶⁸ Kangi polelo i kindu kyakwanda umwe mumenye, abene bāpilike i kindukimo pa mwanya pa nyumba kikubuka. . . [Nkundwe Branham ikukung’usya pa kigemo—Nsimbi]. *Whuu!* Bakindile! Aligwesa abalaníle ku buyo bumobwene, alinkuti, “Abo bo bene. Abo bo bala abalosi abaiyolo, abaiyolo abatali-nyobe, ifyala ifisinguligwe!” Kangi abalosi abaiyolo. . . Ukukéta pási pala, kangi ukukéta panja pibwinda, alinkuti, “Ena, abo bo bene. Abene bimile pala.”

[Nkundwe Branham ikukung’usya pa kigemo—Nsimbi].
“Igula!”

¹⁶⁹ Ugwaiyolo Amram alinkwenda pala, ikwigula i kifigo, alinkuti, “Ngimba mukulonda fiki?”

¹⁷⁰ Alinkuti, “Umwe muli nu mwána nkati muno, kangi uswe tumenye ikylene. Kangi uswe tukukegaga akene.”

“Uswe tukaya nagwe u mwána ukupa kwa umwe.” Abene bakabombile mma.

¹⁷¹ “Uswe tukwingilaga nkati kangi tukéte, muli mosa. Uswe twe bakikulu ba polisi. Keta ama bachi gitu?” Kangi ikyo kyo. . . Ngimba ikyo kikaya kindukimo kwa nkikulu ukuya? Loli, “Uswe twe bakikulu ba sikali. Uswe tuli nabo ubwabuke ukufuma ku bulagili!” Umwe mumenye, uswe tulinafyo ifyene apa lilino. Kangi polelo—polelo palapala abene balinkwiyega pala, nukwingila. Abene bikwingila nkati nukufugutula i sofa, kangi nukwigula bosa aba kabati, nu kusopela pási filifyosa panja pa kipálo, nu kwegaga gyosa i myenda gya kitala nukuyugania igyène pánja. Kangi ukubuka pa mwanya pa nyumba kangi nukwakwaga kuko bāba áli na kabuyo akakusofu

akanini. Ukulondesya kulikosa, loli abene balinkusita kumwaga u mwāna yula.

¹⁷² Balinkutoligwa ukummwaga u mwāna, polelo abene balinkwenda kulakula kwa nkikulu yula, mpelakisa—mpelakisa Yoshebedi imile pala, ikisyo kyake kiswepu. Abene bikwenda kulakula, balinkuti, “Kéta kuno! Uswe tumenye ukuti ugwe gwe—gwe māma. Uswe tubagile ukumanya na mabonekelo gako. Uswe tumenye ugwe gwe nkikulu uyu ikōngesya, kangi uswe tumenye ukuti u mwāna alipo apa. Uswe tukugomokelaga. Uswe tukukāgaga akene!” Ukusoka pa kifigo abene balinkubuka. Ukupula ikifigo, kangi pānja abene balinkubuka.

Umwene alinkuti, “O, o, ngimba uswe tukubombaga fiki? Ngimba uswe tubombaga fiki?”

¹⁷³ Polelo Amram alinkuti, “Iputa.” Ngimba ikyo kyo kindu ikyakubomba? [A balumiana na balindwana bikuyoba, “Ena.”—Nsimbi]. Ngimba ikyo kyo kindu? “Iputa! Unko uswe twīpute.”

“O, o, o! Une ngamanya i—i ikyakubomba. O!”

¹⁷⁴ Polelo umwene alinkuti, “Lilino, kéta, ugwe uye mye, kangi ugwe buka kamongesye u mwāna kangi. Une ngubukaga pa mwanya pa nyumba nu kwīputa.”

¹⁷⁵ Polelo umwene ikubuka pa mwanya pa nyumba kangi umwene ikwipūta. Umwene alinkuti, “Yehova, Ugwe uli ni mbulukutu. Yehova, Ugwe uli na maso. Yehova, Ugwe ubagile ukupilika. Ugwe ubagile ukwamula u lwiputo. Ugwe gwe utupele u mwāna uyu. Ugwe gwe utupele u lufingo Bwako. Kangi Ugwe kwisa kuyungaga u lufingo Lwako, kangi Ugwe kwisakuyungaga u mwāna yula. Kangi une ndi nulusubilo!”

¹⁷⁶ Ukufuma pa kwiputa, ukuya naloliloli nkatale, umwene—umwene alinkugwila kula bo *ulu* nukubuka ukugona utulo. [Nkundwe Branham ikwegelela ulukonono—Nsimbi]. Umwene ākatele fiyo! Abombile i lisiku lyosa, kangi ukwiputa ikilo kyosa. Umwene ākatele. Kangi polelo umwe mumenye iki kyāboníke? Umwene ābukile ku tulo, kangi umwene agogwile i njosi.

¹⁷⁷ Umwe mumenye, Kyala ikuyoba mu njosi, mópe, bule Umwene? Naloliloli, Umwene ikubomba. Ena, Umwene ikubomba. Umwene ābagile. Muketile? Kangi Umwene ikuyobela mu njosi.

¹⁷⁸ O, akabalilo kako umwene asumwike, umwene alinkuti, [Nkundwe Branham ikukuba ulobe lwake kamokene—Nsimbi]. “Ikyo kyo kyene! Une angali nābagile ukwinogona kila. Ikyo kyo une nābagisenie ukubomba.” [Nkundwe Branham ikukung’usya pa kigemo kahano kosa.] “Une ndisakuyobaga nakimo isya kufwana ni kyene.”

Pási pa masulukilo umwene ikubuka. Umwene alinkuti, “Yoshebedi!”

“Ena, gwempala? O, une ngatele fiyo. Une ngabagila ukugon’utulo.”

“O, buka kagon’utulo. Buka kagon’utulo. Ikyene kimalike.”

“Ngimba umwe mumenye?”

“O, une mmenye itolo. Une itolo ndi nu lusibilo!”

¹⁷⁹ Mbuyo bwa bāba, ikilo kila, ukubuka mmwanya mwa nyumba ukwiputa, umwene alinkubuka pási ku lwalo. Umwene ālikólènie pási pala. Une nguswiga iki umwene ābombaga. Unko uswe tunyatuke pási nukukéta umwene. Une ngwambona umwene pási pala, ikubuka. . . [Nkundwe Branham ikwanda ukung’ung’usya, nukutika akabalilo kako ikwegelela i nyumba pamo i kindukimo—Nsimbi]. “Palakata, palakata, palakata.” [Nkundwe Branham ikung’ung’usya.] Ikwega u lutete ulu, kangi ukuluketesya ulwene mosa, ukulugonja ulwene nukukéta linga ulwene lununu. [Nkundwe Branham ikung’ung’usya.] Unnini Aroni ābukile panja i lisiku lila, kangi umwene ābungenie unsigo-gwamungwapa gosa gwa isyene, ukusilāmbalika isyene pási pa lwalo mula, umwe mumenye. [Nkundwe Branham ikung’ung’usya.] “Kyala ikukupakikisya ugwe.” [Nkundwe Branham ikung’ung’usya.] “Ubwiputi bwa kabalilo-kaiyolo, ubwene bubagile itolo ukuya bwabwanaloli!” [Nkundwe Branham ikuposa pa kindukimo.] Ukusipinya isyene ukusyungutila.

Umwene alinkuti, “Amram, kyo fiki iki kitamisye na ugwe?”

“Aleluya! Nakimo, gwempala. Kindililaga.”

¹⁸⁰ [Nkundwe Branham ikung’ung’usya—Nsimbi]. “Ubwene bo bwiputi ubwa kabalilo-kaiyolo.” [Nkundwe Branham ikuposa kangi.] “Ubwene bo bwiputi bwa kabalilo-kaiyolo.” Ukutwala iki kubwa *kuno*, umwe mumenye. “Ubwene bo bwiputi bwa kabalilo-kaiyolo.” “Shhhhhhh,” myatikaga ikyene kyosa mosa. “Kangi ikyene kinunu kwa une! Mbapo une iki ikyaiyolo. . .” Umwene ābombaga i kindukimo.

¹⁸¹ Umwe mumenye, ukukinda undungu gumogwene pamo mibili, ikindu ikyakwanda umwe mumenye, abene bāswigaga iki umwene ābombaga.

¹⁸² Polelo ikilo kimo akabalilo kako abene bosa bagonil’utulo, umwene anyatukilaga pamwanya nukutwala akandu akanini aka, umwe mumenye. Umwene ikukitwala ikyene pamwanya bo *ulu*. Kangi umwene ikukitwala ikyene pamwanya. Umwene ikufyusya ikukupililo kuko Yoshebedi u nkasi ukugon’utulo, kangi umwene ikukukupilila ikyene ukukifisa. Kangi Aroni unnini kangi—kangi unnini Miriamu bāgonil’utulo, umwe mumenye; o, umwene āli kandu kanini akanoge, akalindwana kala kāli, kangi mo mumo āli unnini Aroni. Polelo, umwene alinkukibika ikyene pási pala. Umwene alinkuti, “Yoshebedi, gwempala.”

183 Umwene alinkuti, “Ngimba ugwe gwali pási mu lwalo kwiputa akabalilo aka aka kilo, Amram?”

Alinkuti, “Umma. Une nâli mu lwalo, ukuntufya Kyala.”

Alinkuti, “Ngimba gwabombaga fiki?”

184 Alinkuti, “Une ngulonda ukukubula ugwe. Lilino, ugwe umenye abalosi abaiyolo bala bikwisaga kangî.”

“Ena.”

185 “Kangi une ngulonda ukukubula ugwe ifi uswe tukuyaga pakubomba. Uswe tulinagwe u mwâna lilino ukufwana i myesi mitatu, kangî uswe tukufimbilisigwa ukukatâga akene.”

“O, Amram! Ugwe kufimbilisigwa ukubomba fiki?”

“Uswe tukufimbilisigwa ukukatâga akâna.”

“Ukutâga u mwâna?”

“Ena.”

“O, ugwe ngâsi-ndumbula!”

“Umma, une ngaya mbibi-ndumbula. Umma, umma, umma. Une mmenye iki une ngubomba.”

186 “Ugwe kusanusya fiki? Fiki, ugwe kuyaga mbibi bo lu lwa Farao. Kuyaga pa kutâga u mwâna gwako gwimwene?”

“Ena, nguyaga pakutâga u mwâna.”

“O, uswe tukabagila!”

187 “Lilino pilikisya. Linga uswe tukukakyunga akene, uswe twisa kukatâga akene. Kangî linga uswe tukupa akene kwa Uyu Yuyo atupele akene kwa uswe, Umwene isakukâgaga akene.” Ngimba ikyo kyo kotalusya? “Lilino, linga ugwe kukakyunga akene, uswe tukuyaga pakutâga akene.”

“Ugwe kuyaga pakukatâga akene bulebule?”

“Fiki, abalosi abaiyolo bala bikwisaga kuno nukukêga akene.”

188 Kangî kâta, linga ugwe kukakyunga aka moyo kala kangî ugwe kukindilila ukwitugasya bo i kisu kyapâsi, ugwe kuya pakukatâga akene. Abalosi ba ku gehena bali pa nyuma yako. Kangî uko ko kotalusya. Bosa ubutoyofu ubwaiyolo ubwa nkisu ni findu panja pala, ifyene fili pa nyuma yako itolo. Linga ugwe kuyunga akene, ugwe kwisa kutâga akene; loli linga ugwe kumpa akene ukugomolela kwa Yuyo Uyu âkupele akene kwa ugwe, ugwe kwisa kukagaga akene. Ngimba kyo fiki ikyene lilino? Linga uswe tukukyunga akene, uswe tukubomba kiliku? [Abanike bikuyoba, “Tâga akene.”—Nsimbi]. Tâga akene. Linga uswe tukumpa akene kwa Kristi, uswe fiki? Kyunga akene. [“Kyunga akene.”] Ameni! Ikyo kyo kinunu. Lilino umwe mukwamula ukotalusya.

¹⁸⁹ Lilino umwene alinkuti, “Yoshebedi, uswe tukukatāgaga akene linga uswe tukukakyunga akene. Polelo uswe tukagomokesye akene—tukagomokesye akene ukugomolela kwa Yumo Uyu ātupele akene kwa uswe, polelo uswe twisa kukakyungaga akene.”

¹⁹⁰ Lilino umwe mulinago u moyo. Kangi, bāba na māma, umwe kifwanefwane. Loli linga ugwe kukyunga akene, ugwe kuyaga pakukatāga akene. Uko ko kutalusya. Abalosi ba ku gehena bisakukēgaga akene. Bosa bali ku nyuma ya kene! Loli linga ugwe kukapa akene ukugomokesya kwa Yuyo Uyu āpele akene kwa ugwe, ugwe kwisa kukakyungaga akene ku Bumi busitakumalikamo. Aleluya! Ameni! Nhobokela une, banike, une—une ndi gwa njila-syaiyolo ukufwana ukuti ngulāta. Linga ugwe kukyunga akene...Unko uswe tuyobe ikyene, twesa palikimo: [Ikilundilo kikwandisya ukunkōngesya Nkundwe Branham—Nsimbi]. “Linga ugwe kukyunga akene, ugwe kwisa kutāga akene; linga ugwe kukapa akene ukugomolela kwa Yuyo Uyu āpele akene kwa ugwe, ugwe kwisa kukyungaga akene.” Ameni. Kumbukilaga lilino, paga akene ku Mwene.

¹⁹¹ Lilino unko uswe tuketesye. O, umwene alinkwanda ukukūta. Umwene alinkuti, “O, ngimba ugwe kubombaga fiki na kene?” umwene alinkuyoba.

“Keta kuno, une ngulonda ukukubonesya ugwe i kindukimo.”

“Ngimba fyo fiki ugwe ulinafyo pāsi pa kitala kyangu pala?”

Alinkuti, “Unko une ngunangisye ugwe.” Kangi umwene alinkukisosya ikyene.

“O, ikyene kyo kilūndu ikinini ikya ndete!”

¹⁹² Iyene yo sitima inini, iki ikyene kile. Kikaya ni kyakugolosyela, ikyene kikaya nu mwenda-mbelo, kikaya ni mitusu imikulumba pa kyene, kangi pōpe ikyene kikupimbaga unsigo ugwantengo ukukinda gyosa ugu gwāpimbigwēmo siku ni sitima, mpaka akabalilo kala. Pilika ikyene! Ikyene kikaya nu ndagili pamo kisita babombi. Nkundwe, une njimenye i Sitima ya kwa mundu unkusi, bo yila, yōpe!

¹⁹³ “O,” umwene alinkuti, “Am-...unko une njikēte iyene, Amram, unko une ngēte.” Umwene ikubuka kula.

¹⁹⁴ Alinkuti, “Kēta apa, kili ni kikupililo ikinini pa kyene. Uketile?” Umwene ikupimba ikikupililo mmwanya.

Umwene alinkuti, “Whuu! Kikununga! Uu! Whuu! Mwe!”

Alinkuti, “Ena, ikyene kikununga.”

“Fiki?”

¹⁹⁵ “Une nālyonelīle ikyene ukwisula nu mpulya. Ikyene kili nu lutindya, mosa na mosa.” Lutindya yo mpulya, umwe mumemye, polelo abene balinkubika u lutindya mosa na posa pa ikyene.

Ikyo kyo iki umwene ābwatusyaga pási pala, nu kōnelela pa mwanya pa ndete isi. Umwene ākimatike ikyene. Alinkuti, “Kéta, a misi gakabagila ukwingila nkati mu kyene kokuti. Uketile, ikyene kimyatikígwe paliposa.” Kangi alinkuti, “Kangi agene itolo gakabagila ukwingila nkati mwa kyene, a misi gakabagila. Une nkimatike ikyene.”

Alinkuti, “Whuu! Kikununga bunyali!”

¹⁹⁶ Umwe bāna mumenye iki u lutindya luli, akabalilo kako abene bikutendekesya u lukindi, “O, ukununga ukubibi kula!” Loli ulwene—ulwene—ulwene—ulwene lukukyunga i. . . Ulwene—ulwene lukwigalila panja ubulenduke bosa mu lukindi. Kangi iyo yo njila ulu lukubomba, ulwene lukwigalila panja a misi gosa.

¹⁹⁷ Kangi ikyo kyo iki u lwiputo lukubomba kwa mwitiki. Ikyo kyo iki bwila kikwigalila i kisu ukufuma kwa ugwe, ko kabalilo kako ugwe kwimata gwimwene pa mafundo gako, nu kuyoba, “Ntwa Yeso!” Kangi i Lilopa likusuluka pási, kangi Ilyene likumyatikila ugwe mulimosa ukuti sétano akabagila ukukwaga ugwe. Muketile? Uko ko kutalusya. Muketile? Popapo polelo, o, utubalilo twingi a bandu bikubuka ukusyungutula nukuyoba ikyene kinyali, loli, ikyo kitikupela ubukindane bulibosa mma, ikyene kikukyunga ugwe. Ikyo kindu ikinywamu, ukukyunga mbuponesyo. Bikuyoba, “Ugwe uli gwa njila-syaiyolo,” loli, ikyo kikaya ni mbombo, ikyene kikukukyunga ugwe.

“Ena,” alinkuti, “ngimba uswe tukubombaga fiki?”

¹⁹⁸ “Umma ndaga,” alinkuti, “Une ngukubulaga ugwe iki uswe tukubombaga. Uswe tukwegaga u mwāna, kangi uswe tukuyaga nu kulekāna panandi. Kangi uswe tukwegaga u mwāna nukumbika umwene nkati muno, nukumbika umwene panja mula n’Kisoko kya Nailo.”

¹⁹⁹ “O!, Umma! Umma! Umma! Amram, ugwe ukabagila ukumbika u mwāna gwitu panja mula nkisoko.”

²⁰⁰ “Ena! Ena! Une mmenye iki une ngubomba.” Muketile, umwene āli ni njosi, umwene āmenye ikyakubomba. Muketile, Kyala ālindagile umwene. Umwene āmenye ikyakubomba. Umwene ābumbile iki, kangi umwene akibwene ikyene kyāli kyakwegelela kilakila ikya ngalaba iyi yaponisye Noa ku nyuma kula nkabalilo kake.

²⁰¹ Polelo umwene alinkuti, “Kéta kuno, une mbelile akabwina palapa pa mwanya pa ikyene, ukuti umwene abagile ukutuya. Uketile, umwene abagile ukuya nu bwelu bwa lisuba ukwisila pala.”

²⁰² Kangi ugwe umenye, i ngalaba mu li Bangeli Ilikūlu, kunyuma fiyo kula, iyene yatendekigwe mu njila yiyiyi. Kangi iyene yāli nu bwina palapala pa mwanya pa iyene, ukuti ugwe

gwābagile ukuketela nkati, umwe muketile, kangi kūko umwene abagisenie ukukéte mmwanya.

203 Polelo pala u mwāna u mpelakisa uyu, nsitangamu, akāli yópe ni ngamu yiliyosa mma; u mwāna unnini, nsitangamu, kangi pópe u mwāna unnini ummogi ukukinda bosa nkisu kya pási.

204 Ikilo iki kyākongaga, akabalilo kako abene bikwisa nkati, kangi abene bāgūlile mpaka ukufwana i sala yabutatu ndubunju, kangi polelo abene...Umwene alinkwenda ukukilania. Kangi umwene alinkumalisya ukwiputa. Umwene ikukilania ikubuka, kangi umwene alinkuti, “Lilino isaga kuno, Yoshebedi, sumuka!”

205 Kangi polelo abene balinkusumusya u nnini Aroni nu nnini Miriamu. O, umwene alinkwisa ukukilania kangi umwene alinkubika amaboko gake, umwene alinkuti, “Bāba!” Unnini Miriamu, umwene alinkuti, “Umwe mutikumwegaga unkundwe gwitu unnini, u mwāna, bule umwe, kangi nukukabika akene mwa Nailo kuko syosa i ngwina syaiyolo sili?”

206 Kangi umwene alinkuguta utunywili twake utunini ku nyuma bo *ulu*. Kangi umwene...Umwene āli na maso amamogi, kangi utunywili utunini utumogi. Kangi polelo umwene alinkumfipa umwene pa lubafu lwa lisaya. Umwene alinkuti, “Lūki, ikyene kikumbaba une, nīne. Ikyene kikumbaba une, nīne, loli uswe tukufimbilisigwa ukubomba iki.”

207 Umwe muketile, balindwana na balumiana banini, utubalilo tumo uswe tukufimbilisigwa ukubomba ifindu ifi mu luko lumo fikufulasya uswe, loli uswe tukufimbilisigwa ukubomba ikyene, muli mosa. Akabalilo kako undindwana ikuyoba, “Hee, ngimba ugwe ukwesilémo i ngambo siku?”

Ugwe kuyoba, “Umma.”

208 “Ena, gela yimoyene! O, une yone nnino, ugwe umenye. Ena, ugwe gela iyene.”

209 Loli ugwe, ikyene kibagile ukufulasya panandi, loli yoba, “Uu-uu. Une ndikuyilonda iyene mma.” Muketile? Muketile? “Une ndikuyilonda iyene mma.”

Ikuyoba, “Ngimba ugwe kwisaga, buka ku kibonesyelo na une namayolo aga?”

210 “Umma, umma. Uu-uu. Une ndikubukamo ku fibonesyelo.” Muketile? Ikyene kibagile ukubaba itolo panandi. Muketile?

211 “O, ugwe uli itolo gwakifunienie gwaiyolo.” Komma ukwitika ikyo. Kibagile ukubaba itolo pa kayabo panandi. Sanusya itolo untu gwako ukufuma ku kyene; ikyene kyo kindu kitalusye ukubomba, umwe muketile. Akabalilo kosa bomba ikyo, bomba ikindu ikitalusye. Umma ndaga.

212 Kangi lilino akabalilo kako abalindwana bikumanyila ifyaiyolo ifindu fya kumoga nu lobe ulunywamu bo lula, kangi bikulonda ugwe ukubomba ikyene; ugwe kubabula abene, “Umma, umma.” Ugwe utikubomba ikyene, muketile.

213 “O, ena, ikyene kya lusekelo fiyo.” Ugwe utikupasya lo lusekelo lulinga ikyene kili. Ugwe kulonda ukubomba ikitalusye, polelo ugwe akabalilo kosa bomba iki kitalusye. Lilino, ugwe itolo kumbukilaga ikyo lilino. Umwe mutisakwibwa ikyene, bule umwe?

214 Lilino, lilino ngimba abene bābombile fiki? Abene bālyegile u mwāna unnini polelo, kangi nukumbika pamwanya pala. Kangi Aroni unnini alinkwisa, umwene alinkuti, “Bāba, ngimba ugwe kubukaga pakubomba fiki nu mwāna gwitu?”

215 Umwene alinkuti, “Aroni, itugasya apa pa mbupagato bwangu, lūki.” Alinkuti, “Kéta, Aroni. Linga uswe tukukyunga u mwāna uyu, ngimba uswe tukubombaga fiki?” [Ikilundilo kikuyoba, “Tukuntagaga umwene.”—Nsimbi]. “Tukuntaga umwene. Loli linga uswe tukumpa u mwāna ukugomokesya mmaboko ga Umwene uyu ātupele akene kwa uswe, ngimba uswe twisakubombaga fiki?” [“Kyunga umwene.”] “Uswe twisakunkyunga umwene.” Uko ko kotalusya.

“Loli ugwe kubuka ukubomba bulebule ikyene, bāba?”

216 “Une ngamanya. Une ngamanya mumo ikyene kisakubombeligwaga, loli Kyala ikubombaga ikyene.” Muketile?

217 Kangi polelo pala abene balinkumbika u mwāna unnini yula nkati mula, kangi polelo umwene ikubuka. Kangi apa abene bikubuka lilino, abene bikubuka ku kifigo. Abene bikubuka pási ku kifigo, umwene ikukéta injila ya *kuno* ukusuluka u lukindi, injila *yila* ukusuluka u lukindi. Kukayapo nakumo, nayumo ikwisa. Alinkuti, “Isaga kuno, Yoshebedi. Isaga kuno, Aroni. Isaga, isaga kuno, Miriamu. Unko uswe tubukege.”

218 Abene bikwega akangalaba kanini nukubuka ku mipiki gya nkisoko. O, akene kabalilo katali bo kukāli ukukya. Kangi apa ikwisa Aroni unnini, ku nyuma kula ankolile Miriam unnini, u nkundwe unnini na ilumbu, abene bākutaga. Kangi u mpelakisa Yoshebedi unnini, umwene ikukōngesya, ikuyoba, “fwee, fwee, fwee, fwee.”

“Sh-sh-sh-sh-sh! Abene bikuketésya u lukindi. Mwandege. Sh! Mwandege.” Ukusuluka mu lukindi. “Sh-sh-sh! Mwandege.” Ukupimba u mwāna unnini. Kangi u māma āpimbile u mwāna, kangi—kangi bāba apimbile i ngalaba.

219 Abene bikufika ku kisōko kula. O, ikyene kyo kisōko kinywamu ikikulumba, ikyabubili mbunywamu fiyo nkisu, kifuki. Kangi polelo, akabalilo kala, i kisōko ikikulumba ikinywamu, kangi amisi gikubopa, kangi itolo kīswile ni ngwina ni mbulu ingulumba inywamu. O, ifyene fyāli fitupano.

Whuu! Abene basilyesise isyene tosa u twāna utunini tula. Isyene syāli itolo ndupano. Kangi—kangi umwene ikuyoba, Yoshebedi ikuyoba kwa Amram, undume gwake, alinkuti, “O, bule linga i ngwina sikukolaga akene? Bule linga i ngwina muno sikukupalamasya akene?”

²²⁰ Alinkuti, “Komma ukupasya. Linga isyene sikumyatikamo siku imbulo syabo mu mpulya gula, isyene sikubopaga nubutali ukusōkapo, muketile. Iyo yo nongwa ikyene kikununga, muketile. Umwene isakwinusya imbulo yake mmwanya,” alinkuti, “umwene isakutoligwaga ukunungisya u mbili gwa mundu, polelo umwene ikusokaga ngapo. U mpulya gula gwisakunungaga ububibi fiyo mpaka isyene sisakubopaga ukusōkapo. Akene kisakuyaga kanunu. Komma umwe ukupasya.” Polelo abene. . . Kangi mula ukubika akene pási, akangalaba akanini. Kangi umwene alinkuti. . . “Lilino ugwe mongésya u mwāna.”

²²¹ Polelo u māma ikummwega u mwāna nukumōngésya umwene, kangi umwene ikumōngésya u mwana mpaka akene kikuya nakyo ikyakulya kyakulembusya, mbukye bwa kulubunju. Kangi pala umwene [Nkundwe Branham ikutendeke akogo ka kufipa—Nsimbi]. ikumfipa umwene. Kangi alinkuti, “Lilino, Aroni, ugwe ubagile ukumfipa umwene.” Kangi Aroni ikumfipa umwene. Kangi polelo ukwega akene kwa Miriam, kangi umwene ikumfipa umwene. Kangi māma ikumfipa umwene, kangi, “O,” umwene alinkuti, “Une itolo. . .”

²²² “Lilino, sh-sh-sh! Lilino pilikisya, uswe tukufimbilisigwa ukuya basikali. Muketile? Uswe tukufimbilisigwa ukuya basikali. Lilino umwe mwesa mukulonda ukukafipa akene kangi?” Bosa ba abene bikukafipa akene, ukusyungutila, kangi. Polelo abene bikumbika umwene nkati mula.

²²³ Kangi māma ātendíke ilibulangete ilinini, kangi alinkulibika pa akene, kangi akakwigemekesya kanini. Umwene alinkubika akene pala. Umwene alinkuti, “N’ganigwa gwangu, Kyala akusaye ugwe.”

“Sh-sh-sh! Lilino, Kyala isakupakikisya isya ikyo. Komma umwe ukupasya.”

²²⁴ Alinkwigala akakupililo kanini kala. Kangi ikindu kyakwanda umwe mumenye, tata ikwanda ukufūla ikijāsi kyake, ikufūla i shāti yake. Apa umwene ikubuka, ikōgēla panja ukubika mmisi.

²²⁵ Ngimba umwe mukwinogona fiki ifi fikubombigwa ku Mwanja, ukufwana akabalilo aka? Aleluya! Umwe mumenye, akabalilo kako i findu fikubombigwa pási apa, kilipo i kindukimo kikubombigwa kumwanya Kula, kópe. Amení! Une mbagile ukunketa Kyala ikufyuka ukufuma ku Kikota Kyake, ikwendendeka paliposa, ikuyoba, “Gabriel! Gabriel! Ngimba uli kugu ugwe?”

Gabriel ikuyoba, “Ndipo apa une, Ntwa.”

226 “Gweisa kuno! Ngukunangisyaga ugwe i kindukimo!” Alinkuti, “Mwesa umwene Bandumi isaga ukusyungutila apa, i miniti yimo, Une ngulonda ukubanangisya umwe i kindukimo. Une ndinabo a bandu aba bikunytika Une. Ena, Une ndinabo a bandu aba bikunsubila Une. Isaga kuno, i miniti yimoyene! Ikyene kinunu kwa mwesa ba umwe Bandumi, kêtaga ku iki. Kêta!”

“Ikyene kyo kugu?”

“Palapala pási pala. Keta panja.”

“Ena, ena. Ena, une nguketa ikyene.”

227 “Kêta palapala pási pala. Kêta ubumalikisyo bwa gala—gala—gala mayibiyibi pala, imikoma gya nkisoko ni findu?”

“Ena.”

“Muketile pala!”

“Kyo fiki?”

228 “Alipo u nnyambala ni fiboko fyake afyusisye mmwanya, pa fifundo fyake, ikukôlela pa Une. Pala alipo u māma ikukúta, kangî utwanike tubili tukukúta. Abene bikunsubila Une kubumalikisyo. Gabriel, ugwe kukumbukila akabalilo kako ugwe gwālingîle? Ugwe kunkumbukila u nnyambala yula?”

229 “Ena, une nalyagene nkyũmba ikilo kila nukuyoba ku mwene. Uu-huu.”

230 “Umwene akāli ikunsubila Une. Une ndinabo a bandu aba bikunytika Une! Une ndinabo a bandu aba bikunsubila Une ku bumalikisyo!” [Nkundwe Branham ikukung’usya pa kigemo katatu—Nsimbi] “Keta umwene? Keta ku mwene.”

“Ena, o, ngimba kila kikaya bukifu!”

231 U tata ikwenda mmisi, ikwanda ukuguta akabwato akanini panja.

Une mbagile ukupilika Umwene ikuyoba, “Gabriel!”

“Ena, Ntwa?”

232 “Kôlela Abandumi maelifu kalongo ku buyo bula. Bapapo abene ubulagili bwa kukuya nakalinga itolo babukege. Kôlelaga ikilundilo kya ku Mwanya panja. Batuma abene bosa pamwanya-na-pási, ukugolosya masulukilo ga ku Mwanya, kangî babika abene posa pamwanya-na-pasi pa Nailo. Une ngulagila ukuti nayimo i ngwina yisakupalamasyaga unsigo gula! Nakimo kisakupalamasya ikyene! Komma ukwitikisya ikimbakasya kya mpiki kisege kifuki ni kyene.” Aleluya!

233 Gabriel alinkuti, “Ikyene kisakubombigwa.” Mwe! Umwene alinkuba ingangabwite! Abandumi maelifu kalongo balinkwisa bafwele ifyabwite!

“U Ndongosi. Ngimba Ugwe kuyaga kugu, Ntwa?”

234 “Une nguyaga ku bumalikisyo u bungi.” Umwene akabalilo kosa ikuya ku bumalikisyo bwa kupimbisania. “Une ngwakugülila ku bumalikisyo u bungi. Une ndinalo ulubingililo. Akabalilo kako a bandu bikunsubila Une, Une ndinakyo i kindukimo, u lubĩngililo; ikyene kisakuyaga kyosa kanunu na bene.” Umma ndaga, Umwene ikubuka ku bumalikisyo u bungi.

235 Une nguketa Mōse...pamo unnini Aroni na bene, bikugomokela kula ku lukindi, bikukúta. “Sh-sh-sh-sh-sh! Ketésya ikyene.”

236 Kangi Miriamu unnini, umwene akáli imile, ikuketesya. Umwene alinkuti, “O! O!”

237 Alinkuti, “Isaga kuno, Miriamu, ukwene kukukya. Isaga kuno, ingongobe sikukolela ubukye. Isaga kuno, ukwene kwandil’ukukya. Isaga kuno, lūki, unko uswe tubukege!”

238 Alinkuti, “O, bāba, bāba! Nālamba, akabalilo kamokene akākongelela. Unko une itolo nime, itolo unko une ngetésye akene kangi unko une ngéte iki kikubonekaga. Une ngugomokelaga ku kāya ukufuma pa kabalilo.”

239 “O,” [Nkundwe Branham ikukuba ulobe lwake—Nsimbi] “iyo fundo nunu, Miriamu. Ikyene kibagile ukuya kyosa kinunu. Ugwe itolo ima kangi ketesya iki kikubonekaga.”

“Umma ndaga, Une ngwisa—une ngwisa kuketesyaága akene.”

240 “Lilino, ugwe gwandanega ku nyumba linga kakindilepo akabalilo. Ugwe itolo kéta iki kikubonekaga. Kangi ugwe isaga, tutwalila uswe inongwa, iki kikubombigwa.”

“Umma ndaga, bāba.” Kangi ukusokapo abene balinkubuka, balinkufimbilisigwa ukubopela.

241 U Miriamu unnini, umwene imile kangi umwene ikukētésya. I kindu kyakwanda umwe mumenye, ukwene kukwisa u bwelu. “O, o, o, fiki kikwisa kila pa mwanya pala? Ikyene kyo—ikyene kyo kisinga. Umma. Ngimba yila ngwina? O, umwene asyumbutwike.”

242 Ha-ha! Ngimba umwene aketile fiki? Umwene aketile iki abandu bingi batikukéta. Muketile? Akasigo kanini kala kābukaga, ukwelela ukukinda mula. Abene binogonaga akene kakáli nagwe nu ndongosi mma; abene binogonaga akene kakáli nu nkulumba gwa bendesyaji mma. Akene káli. Abene balibungenie mosa ukusyungutila.

243 Apa yikwisa i ngwina innini, ikuti, “O, kéta kula!” Apa umwene ikwisa, ikwelela bo *lula*. Umwene ikubuka... O, umma. Umma, umma. Umwene akabagila ukwisa kifuki nu nsigo gula.

Nkati mula alimilemo umwabulaminyololo, u mbāngi, aba Yuda mamilioni matatu aba balondigwaga ukwabuligwa

mminyololo. [Nkundwe Branham ikukung'usya pa kigemo kahano kosa—Nsimbi] Aba sétano bosa mu gehena balinkutoligwa ukumpalamasya umwene. Ikwelela ukusuluka, i ngalaba iyi innini iyaiyolo yibumbigwe-nulutindya, yikusuluka pa kisoko.

²⁴⁴ I kindu kyakwanda umwe mumenye, akene kikwisa mu kafulafumbi gwa misi. “O!” Miriamu alinkuti, “O! O! Kéta ku kila! U kafulafumbi gwa misi yula, kéta ku mwene! Kéta ku mwene bo lula!” I kindu kyakwanda umwe mumenye, pa kabalilo kamokene itolo akene kalinkusokamo.

²⁴⁵ Iyo yo njila ikyene kikubombela. Uswe tukwisa mwa kafulafumbi, utubalilo tumo, ikipapa ikinini iki. Komma ukupasya. Alipo Yumo uyu ikukétésya pamwanya. “Abandumi ba Kyala bikwibungania ukusyungutila bābo bikutila Umwene.” Alinabo maelifu kalongo ga abene pa lubātiko lwa kukuya lilino.

²⁴⁶ Miriamu unnini, umwene ukusuluka, umwene ikufyuka pa lyalabwe ilinywamu ili, kangu umwene ikuseleleka pamwanya pa lyene bo *ulu*. Kangu umwene ikubopa ukusuluka, umwene ikuketésya i ngalaba. Kangu ikukindilila ukusuluka ukukilania *apa*, kangu ikubuka ukukilania ikibugutila kya mipiki igi. Bo kakindilepo akabalilo akene kikwíkola panja pala. Ikuti, “O! O, une nguswiga!”

²⁴⁷ (Lilino, u bāba gwake alimbulile umwene, ātīle, “Lilino komma ukwitikisiya aligwesa amanye ukuti ugwe kukétésya kila. Linga yumo ikwisa kwa ugwe, bombelaga itolo ngati ugwe kufwana utakukiketa ikyene mma, itolo bukaga injila iyingi. Komma—komma ukubombela uku bo kuti ugwe kukétésya na panandi, itolo umilisiya ukubuka.” “Umma ndaga,” umwene āyobile.)

²⁴⁸ Umwene ikusuluka pási pa kiloboko. Akene kakamandigwe. I kindu kyakwanda umwe mumenye, kilipo i kibugutila ikinywamu kya balobanswi. Kangu umwene itolo ikibombela ukuya bo fikuti umwene yo ndindwana unnini ikwenda pási. Ukugoloka, isala ya kalongo mu lisiku lilino, umwe mumenye, polelo umwene itolo endaga ukukindilila ukusuluka i kisōko. Kangu umwene ikukyunga iliso lyake ukukéta ku nyuma, ndubafu, ukukéta kuko akene kikubukaga.

²⁴⁹ Bo akabalilo kakindilepo umwene ikukinda akabugutila akangi. Itolo ukumilisiya ukuketésya; ikukindilila pa butalipo panandi. Ikumilisiya ukubuka, ukubuka pabutalipo panandi.

²⁵⁰ Bo akabalilo kakindilepo umwene ikwisa ku kimato ikikulumba ikinywamu. “O, mwe, akene kakwingila mula kunyuma kwa kibumba iki!” Ngimba umwene abagile ukubomba fiki? Umwene atikumanya isyakubomba. Polelo umwene akabagila ukufyuka pamwanya pa kibumba, polelo umwene ikwenda panja pala mmisi kangu nukukanyapo pa

kyene bo *ulu*, nukwafulila pala pamwanya. Umwene ikufika pa mwanya pala, kangu umwene ikumilisa ukwenda.

²⁵¹ I kindu i kyakwanda umwe mumenye, umwene ali mu ngunda ummogi. Ubulenge bukusoka paliposa, kangu ugwene go mmogi. Lilino pilikisa itolo pa kabalilo. Lilino kétésya, balindwana banini. Amaluba amamogi, kangu, o, imipiki gisengeligwe mosa. Ukwene kukuboneka kumogi fiyo! Ubwene bo buyo-bwamaluba. “O,” umwene alinkuyoba, “kéta kula, ku kila! O, mwe! Une ndi mu buyo-bwalutusyo lwa nyumba ya bunyafyale, nyumba ya bunyafyale ya Farao, mbuyo bwalutusyo. Ngimba une ngubombaga fiki muno? Linga abene siku bikungola ngamo muno, o, mwe, abene bikubombaga fiki kwa une?”

²⁵² Kangu umwene ikuketésya. Kula kakubuka aka ngalaba akanini, kangu akene kakwima panja pala mmisi, kangu kakwanda ukweléla ukusyungutila, panja mmisi. Une nguswiga nongwa ya fiki. Kangu umwene ikupilika yumo ikuyoba. Umwene ikunyatukila ukugomokela ku lusingi. Umwene álitugésye, kangu ábonekaga bo *lula*, umwe mumenye, unnini Miriamu alinkwanda ukuketéla panja, ukukéta akene.

²⁵³ I kindu kyakwanda umwe mumenye, apa pikwisa bamo abanyambala abakulumba abanywamu abámaka abatítu bapimbile ikisyenga mmwanya bo *ulu*. Kangu na bāmbombo balindwana bikukonga mula, kangu abene bikwimba. Kangu apa ikwisa u nkikulu, kangu umwene ali ni ngiga inywamu iyagolidi ukusyungutila untu gwake, ni njoka inywamu na kanwa kake kígwiki (bo *lulu*) kisökile pankyeni pa iyene. Kangu umwene yo nkikulu u mboneke-kanunu, kangu umwene ikusuluka. Umwene ali nu nselekesye ummogi naloliloli, ni findu. Kangu une ngupilika yumo mwa balindwa ba mbombo ikuti, “U bwimikigwe bwāko, ngimba ugwe kwino gona ukuti a misi gikuyaga malungule ulubunju ulu?”

²⁵⁴ Miramu alinkuti, “‘Mwimikigwe’? O, ikyo kibagisenie ukuya bunyafyale, polelo une mbagile ukuya mu ngunda gwabutusyo. Kangu linga abene bikungola une nkati muno, ngimba abene bisakubombaga fiki kuli une?”

²⁵⁵ Umma ndaga, umwene ikukindilila ukusuluka, kangu abanyambala abanywamu abatítu bapimbilile untaliko bo *ulu*, ikwenda ukusuluka ku kubwandilo bwa misi bo *lula*, kangu umwene ikufula ifilato fyake. Kangu ugwambombo undindwana yumo áli ni fyakwipuputíla, kangu abangi báli ni sopo. Kangu umwene asulukila pasi panongwa ya kōga kwa ndubunju. Polelo umwene ikusulukila pási kula kangu umwene ikwanda uku—uku kwitendekesya ku losyo lwake. Umwene ikufula ifilato fyake. Umwene alinkuti, “Une nguyubikaga inyobe syangu mmisi nukukéta linga agene gakále malungule. O, agene manunu itolo, itolo. . . Ngimba kyo fiki iki kili panja pala?”

256 “O!” Miriam, unnini Miriamu alinkuti, “O! Uu-oo, umwene naloli akabwene akangalaba kala.”

“O,” umwene alinkuti, “ngimba yila yo ngwina?”

257 Yumo mwa banyamba bamaka banywamu bala alinkuti, “Itolo i miniti yimoyene, une ngwakukyāgania.” Tyafwa, tyafwa, tyafwa, ikyenda ukubuka mmisi. Ikukipimba ikyene mmwanya bo *ulu*, kangi ikugomokela mula. Alinkuti, “Gwe mwimikigwe!” Ukukipa akene kwa ndindwana-gwambombo. Kangi u ndindwana-gwambombo ikukyegela ikyene kula nukumpa ikyene ku mwene bo *lula*, kangi umwene ikukibika ikyene pāsi.

258 Umwene alinkuti, “Ngimba ikyene kyo kifiki? Whuu, kikununga! Kili nu lutindya posa pamwanya pa ikyene. Kēta kuno, ikyene kili nu bwina pa mwanya pa ikyene.”

259 Kangi Miriamu alinkuti, “O! O, pala ikubuka u nkundwe gwangu unnini! Pala ikubuka u nkundwe gwangu unnini!”

260 Kangi polelo abene bikwigula ikyene bo *ulu*. “O, akene yo mwāna!” Kangi akene kikwanda . . . Akāna akanini akamogi ukukinda bosa nkisu! Kangi, o, u Kyala Uyu ābagile ukutendeka u lubengo, ābagile ukutendeka u lugano; kangi u lugano lose ulu Umwene ābagile ukubika mu ndumbula ya bundu, u māma gwa mwāna, Umwene alinkubika mu ndumbula ya ndindwana yula. Kangi umwene—umwene alinkuti, “Akene ko kamo mwa ba Hibu . . . Une mmenye iki kyo fiki. Ikyene kyo yula tata gwangu umbibi! Umwene yo mbibi-ndumbula fiyo! Umwene akōlile bosa a bāna abanini aba kiHiburi ukugogigwa. Kangi yumo mwa bamāma atagile itolo u mwāna gwabo, ukugūlila akene ukufikaga kulikosa akene kabagile. O, umwene yo mbibi! Ena, umwene atisakungoga uyu, panongwa yakuti uyu yumoywene yo gwangu.” Uu-huu, muketile mumo Kyala ikubombela?

261 Umwene alinkumpimba umwene mmwanya, kangi [Nkundwe Branham ikutendeka akogo kākufipa—Nsimbi] umwene ikumfipa umwene. Kangi u mwāna alinkukūta. Kangi akabalilo kako akene kākūtile, akene kalūngwisye i ndumbula. Umwene alinkuti, “I kindu ikilondo ikinini.” Alinkuti, “Une ngumwegaga kangi une nguyaga pakunkolela umwene . . . une nguyaga pakunkolela umwene i ngamu.” Kangi pala po pāpo apa umwene alyagile i ngamu yāke.

262 Ngimba ingamu yake yali fiki? [Ikilundilo kikuyoba, “Mōse.”—Nsimbi] Mōse. Kangi *Mōse* yikusanusya, “kyegigwe ukufuma mmisi.” Muketile?

263 Umwene alinkuti, “Lilino une ngukōlelaga umwene Mōse, kangi umwene isakuyaga mwana gwangu nimwene. Une ngukyungaga umwene. Loli lilino,” umwene alinkuti, “loli une ne ndindwana, une ngabagile ukunswila umwene. Une—une—une ngaya nayo i njila nayimo iyakunnswilila umwene.” Abene

bakālinafyo ifi isupa sya bwifyusi ni findu akabalilo kala. Abakikulu bakākwesayaga i ngāmba kang'i na mumo abene bikubombela lilino, muketile, nukwibika bene pa mwāfi. Polelo alinkuti, "Ena, linga ugwe umenye u . . ." Alinkuti, "Fiki—fiki une ngubombaga?" Polelo umwene alinkuti, "Une . . ."

²⁶⁴ Yumo gwa abene alinkuti, "Une ngukubulaga ugwe, gwe mwimikigwe, une ngummwagaga umōngēsī ugwamabele aga lupyū kuli u mwāna gwako."

"O," umwene atile, "ikyō kyo kinunu fiyo." Unnini . . .

²⁶⁵ I Kindukimo kilinkuyoba, u Gwandumi imile pala ndusingi, alinkuti, "Miriamu, u lusako lwako luli pala! Lula lo lusako lwako!" Unnini Miriamu alinkubopa panja. Alinkuti, "Komma ugwe ukuyoba akandu lilino, komma ukwitikisya pala. Ugwe usōkile panja kang'i kuyobaga ukuti ugwe 'kwakummwagaga ugwakummōngesya,' kang'i buka kammwege u nyoko."

Umma ndaga, polelo umwene alinkuyoba kila. Umwene alinkuti, "Gwe mwimikigwe!"

²⁶⁶ Lilino, mwa kabalilo kosa, umwene āngali ayobile ukuti, "Ngimba ugwe kubomba fiki muno?" Loli, kēta, Kyala ākupilile ikylene kyosa posa. Fiki? Umwene āli na Bandumi maelifu kalongo pa bukūyo. Muketile? Ulubatiko Lwake lwisakubomba imbombo. Umwene āli na Bandumi maelifu kalongo bimile pala.

²⁶⁷ Polelo ikindu kyakwanda umwe mumenye, "Bwako . . ."

Alinkuti, "Ena, nnini gwempala, kubomba fiki ugwe apa?"

²⁶⁸ Umwene alinkuti, "Une ngubwene ugwe itolo nu mwana." Alinkuti, "Une mmenye kuko mbagile ukummwaga u māma unnunu uyu isakupakikisya u mwāna gwako kuli ugwe."

²⁶⁹ Umwene alinkuti, "Buka, mmwaga umwene, kang'i umbule umwene ukuti une ngwisakumpaga umwene ama dola abamia batatu pa ndungu panongwa ya kupakikisya u mwāna uyu, kang'i une nisakumpa umwene ikibugutila kyosa ikya fyūmba mu nyumba ya bunyafyale. Kang'i linga ugwe umenye kuko aliko u nkikulu gwa kiHiburi, uyu ali na mabele aga lupyū, uyu abagile ukunwesya u mwāna uyu, uyu yo mwāna gwangu."

Alinkuti, "Ena, gwe mwimikigwe, une ngummwaga yumo kuli ugwe."

²⁷⁰ Alinkuti, "Lilino, gūlila i miniti! Bo ugwe ukāli ukingila nkati nyumba ya bunyafyale, ugwe ubagisenie ukuya ni lisyu-lifungulo. Muketile, ugwe ukalimanya i lisyu-lifungulo. I lisiku lililyosa uswe tuli nalyo i lisyu-lifungulo limo. Lilino, i lisyu-lifungulo umwisyugu, umwe mumenye fiki ili iliyene lyāli? 'Ifoloko-lutindya kang'i u nsigo gwa lyundu.'" Alinkuti, "Ikyo kyo iki ugwe kufimbilisigwa ukuyoba pa kipata."

²⁷¹ Polelo unnini Miriamu ikugoloka ukusokapo ukusulukila ku kāya, mbibimbibi na mumo umwene ābagile ukubuka, kang'i

ukunyela pa mwanya pa kibumba, pási pa lukindi, kangí pási injila *iyi*, kangí pási injila *iyi*, kangí nubukafu na mumo umwene ábagile ukubuka. Umwene alinkubopela nkati nnyumba.

²⁷² Kangí—kangí Amram álisile itolo ku káya, kangí Yoshebedi. Kangí, o, abene báli basulumanie, bikuswiga fyo fiki ifi fyabombigwaga. Umwene alinkuti, “U mwanangu u mpelakisa! U mwanangu u mpelakisa!” Umwene. . .

²⁷³ Umwene alinkuti, “Lilino pilikisya itolo.” Alinkuti, “Une nisilepo pa kabalilo ukusuluka pala pa lukindi, kangí u máma u mpelakisa yula umilísyé ukubika aligwesa mmwanya i lisiku lyosa. Abene bisile munomuno muno mbupalamani ulubunju ulu, kangí abene bataywíle untu gwa mwána aligwesa uyu áliipo mbupalamani.” Kangí alinkuti, “Mumo abene bákútilága nu kulíla! Lilino, ngamanya, u mwána gwako, kulikosa akene kali. Kuko u mwánitu ali, Kyala isakukapakikisya akene.”

²⁷⁴ Polelo akabalilo kalakala i kindukimo kyabukaga. . . [Nkundwe Branham ikukung’usya pa kigemo—Nsimbi] “O! O! Apo abene bisile, pa kifigo lilino.” Polelo, abene balinkubuka nukuketa. Umma, ukwene kukáli mma. Umwene áli yo Miriamu.

²⁷⁵ Umwene alinkuti, “O! O, Miriamu! Ingila, gwempala! Ngimba kibonike fiki ku mwána?”

Umwene alinkuti, “Yuba, Une ndi ni njala fíyo.”

Alinkuti, “Loli ngimba fiki fibonike ku mwána?”

²⁷⁶ Alinkuti, “Une kifuki ngomigwe ni njala, máma.” Alinkuti, “O, ntufye u Ntwa! Aleluya! Une ndi kifuki ukukomigwa ni njala, máma.”

Alinkuti, “Loli ngimba fiki fyábonike ku mwána?”

²⁷⁷ Alinkuti, “Máma, une ndi ni njala fíyo une mbagile ukulya kilikyosa mu nyumba.”

²⁷⁸ Alinkuti, “Uswe tukukwagilaga ugwe i kindukimo ikyakulya, loli ngimba fiki fyábonike ku mwána?” [Nkundwe Branham ikukung’usya pa kigemo katatu—Nsimbi].

²⁷⁹ Alinkuti, “O, u mwána ali kanunu mosa, máma. Mbapo une i kindukimo ikya kulya. O, une nhobwike fíyo!”

“Loli fiki fyábonike ku mwána?”

²⁸⁰ “Ena, mbapo une i kindukimo ikya kulya, une itolo ngomigwe ni njala.” Ngimba umwe mubagile ukwinogonela ikyo?

²⁸¹ Umwene alinkuti, “Miriamu! Uyu yo guso ni nyoko. Ngimba u mwana yula ali kugu?” [Nkundwe Branham ikukung’usya pa kigemo katatu—Nsimbi].

²⁸² Umwene alinkuti, “Máma, une ngubulile ugwe. U mwána, une nkabwene akene, kangí akene kali kanunu mosa. Lilino, máma, nyagila une i kindukimo ukuti ndye; une yimbabile.

Umwe mumenye, une—une itolo yimbabile.” Mumo ugwe uyilile akabalilo kako ugwe kwisa ku kâya ukufuma ku sukulu, umwe mumenye; o, itolo ugwe kufimbilisigwa ukulya i kindukimo.

Polelo, umwene alinkubuka nukumwagila umwene akasyesye. Alinkuti, “Lilino mbula une.”

²⁸³ Kangi umwene ikubuka, “Myangu, myangu, myangu,” ikulya, umwe mumenye, mumo. Alinkuti, “Mâma?”

Alinkuti, “Ena, loli ngimba fiki fyabonike ku mwâna?”

²⁸⁴ “Fiki,” alinkuti, “mâma . . .” Umwene alinkumbula umwene akapango. Kangi alinkuti, “Mâma, ugwe buka sosya panja imyenda gyako iminunu ukukinda, kangi ugwe uyege ni kilundu-kya-myênda kibatikigwe, ’nongwa yakuti ugwe kubukaga ukupakikisya u mwâna.” O! O! O!

“Fiki?”

²⁸⁵ Linga ugwe kutaga ikyene, ugwe kwisa kukyagaga kangi. Ngimba ikyo ko kutalusya? Linga ugwe kuyunga ikyene, ugwe kwisa kutagaga ikyene. Linga ugwe kukipa ikyene, kutaga ikyene, ugwe kwisa kukyagaga ikyene. Ngimba uko ko kutalusya?

²⁸⁶ Kangi unnini Miriamu itolo ikulya ukumalikisya. Alinkuti, “Ena.” Alinkuti, “Ugwe kubukaga ku nyumba ya bunyafyale umwisyugu. Kangi kikaya kikikyo mma, loli ugwe kubukaga, ukupigwa, kuyaga kupigwaga ama dola bamia batatu pa ndungu, kangi ni fyũmba ifinunu ukukinda fyosa nkisu iki, ukumpakikisya u mwâna gwâko gwimwene.”

²⁸⁷ Akabalilo kakwanda mu syambukulu sya nkisu kyosa kuko u mâma âhombigwemo siku ukuswila u mwâna gwake mwene. Muketile mumo Kyala ikubombela? [Nkundwe Branham ikukuba amapi gake katatu—Nsimbi]. Aleluya! Ukunwesya u mwâna gwake mwene, kangi ukukaba ama dola bamia batatu pa ndungu panongwa ya ikyene, kangi ifyũmba ifinunu nkisu kila. Kyala ikubomba i findu, bule Umwene? Ngimba kikhomba ikyene u kwiputa? [Ikilundilo kikuyoba, “Ena.”] Ngimba ikyene kinunu u kwiputa? [“Ameni.”]

²⁸⁸ Polelo, umwene alinkutendekesya i kilundu kyake. Uswe tukuyaga bengo lilino, uswe tukwigalaga itolo mu miniti. Polelo uswe . . . Umwene alinkwega i kilundu kyake kitendekisye, kangi pâsi pa nsebwe umwene alinkubuka, itolo nakalinga mumo umwene âbagile ukubuka. Kangi i kindu ikyakwanda umwe mumenye, umwene alinkwisa; unsikali unywamu ugwaiyolo imile pala ni ngwebo yake ingulumba inywamu, alinkuti, “Ywani ikubuka kula?”

Umwene alinkuti, “Ifoloko ya mpulya kangi unsigo gwa lyundu.”

“Kindaga nkyeni.” Muketile mumo Kyala ikubombela i findu?

289 Alinkubuka ku nsikali unkonge. Pala umwene alinkusōsya ulūbo lwake, alinkuti, “Ugwe gwe ywani? Ywani ikubuka pala?”

Alinkuti, “Ifoloko-ya-mpulya kangi unsigo gwa lyundu.”

Alinkuti, “Kindaga nkyeni.” Mwe! Muketile mumo Kyala ikubombela i findu?

290 Fyuka mmwanya, buka kéta ukukilania i nyumba ya bunyafyale; ikwandako, kangi bosa ubunyafyale bukusōka, bikusōsya amalūbo gabo. “Ngimba ywani ikubuka kula?”

Alinkuti, “Ifoloko ya mpulya kangi unsigo gwa lyundu.”

“Kindaga nkyeni nkati.”

291 I kindu kyakwanda umwe mumenye, u nnyambala alinkusōka panja, alinkuti, “Ngimba ugwe gwe kakikulu akanini aka u mwimikigwe bwāke ikungūlila?”

“Ena.”

292 “Kangi ngimba uyu yo nswili gwa lupyu gwa mwāna uyu āgigwe ulubunju ulu?”

“Ena.”

293 Alinkuti, “Ena, ntwala umwene nkati.” Polelo umwene ikuntwala u mwāna nkati. . . pamo ikuntwala māma nkati.

294 Kangi—kangi u—u nnini nakamba alinkusōka panja, kangu umwene alinkuti, “Ngimba umenyepo a kandu kalikosa akakufwana na bāna ababugale?”

Umwene alinkuti, “Ena, lwimiko lwako.”

Umwene alinkuti, “Keta ku mwāna yula. Ngimba umwene akaya mmogi?”

“Ena, lwimiko lwako. Ena.”

Alinkuti, “Ngimba ubagile ugwe ukunswila u uwakumabele?”

“Ena, lwimiko lwako. Naloliloli.”

295 “Ena,” abene balinkuti, “Une ngukupaga ugwe, umfwalo gwako yo, ama dola bamia batatu pa ndungu.” Hum! Ngimba Kyala akāli nnu? Kangi alinkuti, “Kangi ugwe ulinafyo ifyūmba ifinunu ukukinda fyosa mu nyumba ya bunyafyale, kangi ifyakulya fyake fisakutumigwaga kwa ugwe. Ugwe utikufimbilisigwa nukusōka panja mma nukwakupiya ifyakulya fyako gwimwene mma.” Alinkuti, “Lilino, uyu yo mwāna, yaga mpakikisi. Komma ukugwisya pāsi akene.”

“O, komma ukupasya, une ndisakungwisya. Komma ukupasya, une ndisakukagwisya akene.”

“Ugwe ukapege ukupakikisiya ukununu ukukinda kosa kwa akene.”

296 “Komma ukupasya, une ngubombaga. Akene kikuyaga nu bupakikisiyo ubununu ukukinda bosa.” Naloliloli, akene kāli

kake mwene, muketile. “Une ngukapaga akene ubupakikisyo bulabula ubununu ukukinda bosa.”

“Ugwe uketile akene ko kâna kamogi?”

“Fiyo ummogi,” umwene alinkuti.

“Umma ndaga.”

²⁹⁷ Ukwigaligwa kilinkubuka i kifigo, pa Miriamu, na mâma, nu nnini Mōse. Kangi akabalilo kako i kifigo kyâli kigaligwe, umwene alinkukelengania. Umwene alinkuti, “Tsk-tsk-tsk! Kangi umwene inogonaga ugwe gwe gwakumabele *gwake*. Ha-ha-ha-ha-ha!” O, mwe! Umwene alinkukasusutisya akene.

²⁹⁸ Ngimba umwe âbombile fiki? Umwene...Linga umwene alinkyungile umwene, angali umwene abombile fiki? [Ikilundilo kikuyoba, “Ukutaga akene.”—Nsimbi] Panongwa yakuti, umwene akapele akene ukugomokesya kwa Yuyo Uyu âpele akene kwa umwene, kangi umwene (fiki?) alinkukâga akene, kangi umwene abagile ukukakyunga akene. Lilino kiliku iki kikuboneka linga uswe tukutaga...Linga uswe tukukyunga u moyo gwitu, fiki fikuboneka? [“Uswe tukutagaga ugwene.”] Uswe tukutagaga ugwene. Kangi linga uswe tukupa ugwene ukugomokela kwa Yuyo Uyu âtupele ugwene kwa uswe, ngimba fiki fisakuboneka? [“Uswe twiakukyungaga ugwene.”] Uswe twisakugukyungaga ugwene. Ngimba uko ko kotalusya?

²⁹⁹ Balinga ba umwe mukulonda ukwisa kuno ukusyungutula ikigemo nu kwiputa? Ngimba ugwe kulonda ukubomba ikylene? Ngimba ugwe kulonda ukuti Yeso akupakikisyege ugwe mumo Umwene âbombile ku bene, u mwâna unnini? Bulebule... Unko uswe twesa, bâna banini, ibungania ukusyungutula i kigemo apa lilino. Ngimba ugwe kubombaga ikylene? Isaga itolo ukusyungutula, fugama ukusyungutula ikigemo. Unko uswe twipute, mwesa ba umwe. Mwesa mwe bâna banini lilino isaga pamwanya apa. Ngimba umwe mwakaganile akapango kangu? [Ikilundilo kikuyoba, “Ena.”—Nsimbi] Ngimba umwe mwakaganile kala? Umma ndaga, lilino ugwe gweisa ukusyungutula ku kigemo. Lilino isaga. Mwesa umwe bâna banini, fugama papapa ukusyungutula ikigemo, fugama itolo papapa pasi apo pa—kula pa kigemo. Ikyo kyo ikylene. Mwesa umwe banini umwe ku nyuma, isaga kuno lilino, uswe tukwiputaga. Umma ndaga. Umwe mukulonda ukwisa kuno nu kwiputa. Isaga kuno nukufugama ukusyungutula i kigemo. Uko ko kotalusya. Lilino, ikyo kyo kinunu. Ikyo itolo kyosa kinunu.

³⁰⁰ Lilino, abamâma, umwe mukulonda ukwisa, numwe, kangi abatâta, umwe mwesa mukulonda mu fwasi ya mikolofwa?

³⁰¹ Lilino une ukubalalusya umwe bâna banini i kindukimo apa. Kêta. Ngimba umwe mukwitika ukuti Yeso abaganile umwe itolo mumo Umwene âbombile kwa Mōse? Ngimba mukwitika ukuti a Bandumi bikukuketesya umwe bo ulu?

Lilino, Kyala âkupele ugwe u moyo, bule Umwene? Lilino, linga ugwe kukyunga u moyo gwako, ngimba fiki fikubonekaga ku gwene? [A bāna bikuyoba, “Kutāga ugwene.”—Nsimbi] Kuyaga pakutaga ugwene. Loli linga ugwe kugupa ugwene ukugomokesya kwa Yeso ulubunju ulu, polelo kyo kiliku ugwe kubombaga? [“Kukyunga ugwene.”] Kubukaga—kubukaga ukukyunga ugwene. Umwe mukulonda ukuponesya. Lilino umwe mukulonda ukuponesya u moyo gwinu, bule umwe? Kangi umwe mukulonda ukukula ukuya bamāma abanaloliloli kangi abakikulu abanaloliloli, bule umwe; kangi banyambala banaloliloli, balumbilili, kangi na filifyosa? Ngimba umwe mutikulonda ukubomba kila? Lilino, linga umwe mukulonda, polelo umwe bika u moyo gwinu kwa Yeso. Apa po yilipo i njila ya kubombela ikylene. Ugwe yobaga, “Gwempala Yeso, iki kyo kyosa iki une ngupa kwa Ugwe, kyo moyo gwangu, loli Ugwe ngetesyāga mumo Ugwe gwālinketesisye Mōse.”

³⁰² Lilino, linga umwe mwe bakusipo mukulonda ukwisa nukufugama, numwe, bamo mwa umwe bamāma, lumo, ukuti umwe mubagile ukulonda ukufugama apa ulubunju ulu. Ena, ukwene kwigwike kwa umwe, numwe. Linga umwe mukubombaga, isaga, fugama papapa ukugolosya apa. Ikyo kyo kinunu. Apa po alipo u māma ikwisa nu ndumiana gwake unnini. Abagile u munduyumo uyungi?

³⁰³ U tata, bāba, aligwesa gwa umwe, linga umwe mukulonda ukuya nnyambala ugwalwiputo bo yu Amram āli, umwe isaga, fugama, numwe.

³⁰⁴ Māma, linga ugwe kulonda ukuya bo Yoshebedi, fiki, ugwe isaga papapa ukugolosya, fugama, nugwe.

³⁰⁵ Naloliloli, ikylene kya aligwesa. Panongwa yakuti (Fiki?) ugwe uli nu moyo, nugwe. Linga ugwe kukyunga ugwene, ngimba fiki fisakuboneka? [Ikilundilo kikuyoba, “Kutaga ugwene.”—Nsimbi] Kutaga ugwene. Kangi linga ugwe kupa ugwene ukugomokesya kwa Yuyo Uyu âkupele ugwene kwa ugwe, ngimba fiki fisakuboneka? [“Kuponesya ugwene.”] Ugwe kwisakuguponesyaga ugwene, ku Bumi bwa bwilanabwila. Uko ko kutalusya. Lilino, ngimba umwe mutisakwibungania ukusyungutila, mwesa ba umwe aba mubagile lilino, kangi unko uswe tuyege nu lwiputo na banini aba, kangi na uswe, na bosa lilino.

³⁰⁶ Lisiku lya Māma, i lisiku ilinunu. Kangi lumo ikilo iki, une mbagile ukusanusya ikimanyilo kyangu nu kukindilila nukuyoba iki u māma ābombile, mumo u māma yula ābombile. Umwene yo yuyo alimanyisye u ndumiana gwake unnini ukundongosya gwesa Israeli ku kisu ikya lufingo. O, umwene āli māma ugwanaloliloli. Ngimba umwene akāli māma ugwanaloliloli? [Abanike bikuyoba, “Ena.”—Nsimbi]. Lilino, ugwe ulinagwe u māma ugwanaloliloli, nugwe, kangi māma

ikukwiputula ugwe. Umwene āli bāba ugwanaloliloli. Kangi u bāba ikukwiputula ugwe. Kangi lilino uswe tukubukaga ukwiputa palikimo, kangi ukunsuma Yeso ukututula uswe.

Nkundwe Neville, ngimba ugwe ubagile ukwisa, ukufugama na uswe?

³⁰⁷ Kangi unko uswe twinamisye i mitu gyitu, kulikosa. Lilino Kalumbu Gertie. . . [U nkubapiano ikwanda ukukuba *Batwala Abene Nkati*—Nsimbi].

³⁰⁸ Gwempala Tāta Gwakumwanya, akanini aka, akapango akapepe umwisyugu, ukufwana a masiku matali aga gakindilepo, kuko u tāta na māma ugwanaloliloli, u mwitiki ugwanaloliloli, ukwisa kwa Ugwe kangi abene balinkukwiputa Ugwe. Abene bākwitike Ugwe. Bwalipo u butolwe nxisu akabalilo kala. Kangi ngimba uswe tukumanyaga bulebule ukuti kukayako mma u Mōse unnini ugwamwisyugu afugeme ulubunju ulu! Uswe tukumanyaga bulebule ukuti pakayapo mma u Miriamu unnini ugwamwisyugu afugeme ulubunju ulu, yopo, unkikulu-nsololi!

³⁰⁹ O Tāta Gwempala, abanike abanini aba bakuganile Ugwe, kangi abene bisile, bafugeme ku kipingika, basyagenie ukuti abene balinago u moyo ugu gukufimbilisigwa ukuponesigwa, kangi abene bikukupa ugwe kwa Ugwe lilino. Kabuno uswe tubalile itolo mu Lisyu Lyako, “Linga ugwe kutaga ugwe, ugwe kwisa kugwagaga ugwe; kangi linga ugwe kuyunga ugwe, ugwe kwisa kutaga ugwe.” Kangi, Tāta, abene batikulonda ukuyunga u moyo gwabo ku bene mma. Abene batikulonda ukuya nu bumi pa bene mma. Abene bikulonda ukupa u moyo gwabo kwa Ugwe, ukuti, mu kupa ugwe, abene babagile ukubwaga u Bumu bwa Syepwa. Tupaga, tupaga ikyene, Ntwa.

³¹⁰ Sayaga bosa abanini balumyana na balindwana ukusyungutula i kigemo. Sayaga a bamāma na batāta aba bali apa ulubunju ulu. O, i lipyana i Lyako i lyalugano ni kisa filiyaga pa bene bosa. Tuswaga uswe, Ntwa, ukufuma ku mbimbi ni ndumukilwe syitu. Egaga u bubine ukufuma pakati pitu.

³¹¹ Tumaga a Bandumi! Aleluya! Kyala, Ugwe Yuyo gwālagile Gabriel, na Bandumi maelifu kalongo balinkubūka ku bukūyo, balinga a Bandumi bikwisaga kuno akabalilo kako abene bikukéta aba abapelakisa abanini abanike bafugeme ku kigemo iki ulubunju ulu! Ukusyungutula posa, pamwanya pa kigemo kangi ukukilania i kipanga iki, bimile a Bandumi ba Kyala. U Gwangumi ugwakusimbamba ali apa, ikwegelela ingamu pási pa Buku. Abene bikutaga u moyo gwabo, ukuti abene babagile ukugwaga ugwe mwa Kristi! Tupaga ikyene, Ntwa.

³¹² Tukulamba, ukufuma i lisiku ili, ukubuka nkyeni, utubumi twabo utunini tuyege tunoge kangi twiyufye. Baliyaga

bâna bakupilikila ku bapapi bâbo kangu kwa Tata gwabo Gwakumwanya, mpaka i lisiku ili Ugwe kwisa kubakôlelaga abene ku Kâya. Babikisyaga abene mfipapa fyabo ifinini, ukusuluka nkafulafumbi aligwesa. Akabalilo kosa akene kikwikôla mu lusingi, tukulamba a Bandumi ba Kyala bakagutege akene ukubuka mbukinde bwa lugano bwa Kyala. Tupaga icyene, Ntwa. Kangu kubumalikisyo bwa nsebwe, abene balikâgaga a Kâya kalugano, kangu u mâma gwabo kangu abaganigwa bâbo kula mu Lwimiko, kuko Kyala ikwima pa kipata ukubâmbilila, ilisiku lila. Tupaga icyene, Tâta.

³¹³ Tuswaga uswe imbibi syitu syosa ni ngilano. Kangu tutula uswe ukufuma i lisiku ili ukuya mosa Gwako. Uswe tukubabika a bâna aba mmaboko Gako lilino. Kangu a bamâma aba na bene, Ntwa, ukuti abene bikuyaga bamâma ba luko ulutalusye pa Lisiku Iya Mâma ili, akabalilo aka akâkukumbusya aka kapegigwe ku bamâma. Kangu tukulamba abene, ukufuma i lisiku ili, bayege bâmâma banunupo. A bâna baliyaga banunupo. Twesa tuli yaga banunupo, Ntwa, nukukubombela Ugwe nubukulumbapo. Tupaga icyene, Tâta, kabuno uswe tukusuma icyene mu Ngamu ya Yeso. Ameni.

Lilino unko uswe twimbe akakobelo kanini.

³¹⁴ Ngimba umwe mukwitika Yeso abaponkile umwe? Ngimba umwe mukulonda Yeso ukuketelela pa umwe lilino, akabalilo kako umwe mukwima mmwanya? Fyusya ikiboko kyako kwa Mwene, bo *ulu* lilino. Une ngulonda umwe musyumbutukile kwa bâba na mâma, na kwa bosa ba abene. Syumbutukila injila *iyi*. Lilino kâta kuno, mâma na bâba. Mwesa umwe balindwana na balumiana banini imilila mmwanya. Lilino, balinga aba bikumwitikisya Yeso ukuya Mpoki gwako, kangu ugwe kuyaga pakunsubila Yeso ukufuma lilino ukukindilila, ukukupakikisya ugwe mumo Umwene âbombile kwa Môse, unko uswe tukete ifiboko fyinu fisôke. Aligwesa gwa umwe. Ikyo kyo kinunu! Lilino fiki fyâbonike? Linga ugwe kuyungu u moyo gwako, ugwe fiki? [Ikilundilo kikuyoba, “Kutaga ugwene.”—Nsimbi]. Kutaga ugwene. Loli linga ugwe kupa ugwene kwa Yeso, kibonekaga kiliku? [“Kuyungu ugwene.”] Ugwe kwisakuyungu ugwene. Lilino, bule linga Yeso akwagile ugwe lilino ulubunju ulu? Kangu ugwe ulu gwa Yeso lilino, bule ugwe? Ugwe uli ndumiana nu ndindwana gwa Yeso.

³¹⁵ Kâta ku binitu abanini aba bimile na mäsosi. Mbula une Kyala akasimanya isyo? Ameni. A banyambala na bakikulu ba kilabo! Imilila.

Twala abene nkati ukufuma ku ngunda gwa mbibi;

Twala abene nkati, batwala abene nkati,

Twala banini bala kwa Yeso.

O, Mumu une Nunganile Yeso, lilino isaga kunokuno!

O,
 Mwesa ba umwe.
 . . . mumo une nunganile Yeso,
 Fyusya ifiboko fyinu lilino.

O, mumo une nunganile Yeso,
 O, mumo une nunganile Yeso,
 Panongwa yakuti Umwene alinganile une tasi.

³¹⁶ Ngimba ikyo kikaya kimogi? Lilino *Yeso Abaganile A Bāna Banini Aba Kisu*. Tupapo uswe ulusambo, kalumbu. Lilino umwe mwesa syumbutuka itolo ukusyungutila injila iyi, kwa une, umwe balindwana banini. Une ngulonda ukwimba *Yeso Abaganile A Bāna Banini Aba Kisu*. Balinga bayimenye iyene? Umma ndaga, unko twimbe lilino.

Yeso abaganile abana banini,
 Bana bosa ba nkisu;
 Bakesefu kangi yelo, batitu kangi belu, abene
 bapala mmaso Gake,
 Yeso abaganile abana banini ba nkisu.

³¹⁷ Lilino, mwesa ba umwe muli mu busikali lilino. Ngimba mwamenye umwe ikyo? Umwe mumenye umwe mwe busikali bwa Kyala? Lilino, umwe kete itolo kwa une lilino. Kangi imba na une lilino, panongwa yakuti umwe mwe basikali lilino. Ngimba umwe mumenye ikyo? Basikali ba kipingika! Lilino, *Une Lumo Ngabagile Ukukuya*. . . Umwe muyimenye yila? Umma ndaga. Umma ndaga, akabalilo katali aka kakindilepo, u lwimbo lwa sukulu ya Ndungu yayiyolo une nāmanyile.

Une lumo siku . . .

Lilino umwe, na une lilino. [Nkundwe Branham ikutendeka ifimanyilo akabalilo kako ikwimba *Une Ndi Mbusikali Bwa Ntwa—Nsimbi*]

Une lumo siku ngakuyamo mu mbasikali
 bapasi,
 Ukutoga mu bafalasi, ukutusalila undusu;
 Une lumo siku ukupuluka pamwanya pa
 ndugu,
 Loli une ndi mbusikali bwa Ntwa.

Une ndi mbusikali bwa Ntwa,
 O, une n'di mbusikali bwa Ntwa!

Isaga kunokuno na une lilino. Twesa palikimo lilino. Lilino!

Une lumo siku ngakuyamo mbasikali bapasi,
 Ukutoga mu bafalasi, ukutusalila undusu;
 Une lumo siku ukupuluka pamwanya pa
 ndugu,
 Loli une ndi mbusikali bwa Ntwa.

³¹⁸ Umwe mukwitika umwe mubagile ukwimba yila pa mwibene? Isaga pamwanya apa, ndindwana, isaga pamwanya papapa apa. Lilino une ngulonda ugwe ukindengemo mubiti galagala gāgo une ngubomba. Isaga syungutila, kunyuma kwa kigemo apa, lilino. Isaga papapa pamwanya apa. Aligwesa gwa umwe, endaga papapa pamwanya apa pápo une ndipo, muketile. Kūyaga pamwanya apa; nayumo ikusyala panja pa kigemo. Isaga papapa pamwanya apa na une. Apo po loli. Kutalusya. Itolo bo *ulu*. Lilino syumbutuka ukusyungutila bo *ulu*, keta ku kilundilo iki, bo *ulu*. Apo po loli. Une ngulonda ukubanangisya umwe iki a balumiana banunu na balindwana bikubomba ukufuma pápo bammenye Yeso. Lilino, isaga papapa kunyuma apa, balumiana na balindwana. Lilino umwe mwe . . . Apo po loli. Lilino keta panja pala.

³¹⁹ Lilino akabalilo kako une nguyoba, “Une lumu siku ukukūya mbusikali,” umwe . . . “ukukuya mu bapasi,” umwe mukuyege, numwe. Akabalilo kako une nguyoba, “Une lumu siku ukutoga mu bafalasi,” umwe mubombege ikindu ikifwane na iki une ngubomba. Lilino syala kunyuma ukufuma kwa une, kunyuma fiyo lilino, pelaga ifwasi. Gomokela kunyuma, gomokela kunyuma, lilino umwe mwitendekisye. Lilino twendege, unko uswe twimbe iyene. [Nkundwe Branham na banike bikubomba amabiti akabalilo kosa bikwimba—Nsimbi].

Une lumu siku ngakuyamo mu bapasi,
(Ketesya!)

Ukutoga mu bafalasi, ukutusulila undusu;
Une lumu siku ukupuluka pamwanya pa
ndugu,
Loli une ndi mbusikali bwa Ntwa.

O, une ndi mbusikali bwa Ntwa,
Une ndi mbusikali bwa Ntwa!
(Mwitendekisye!)

Une lumu siku ngakuyamo mu bapasi,
Ukutoga mu bafalasi, ukutusulila undusu;
Une lumu siku ukupuluka pamwanya pa
ndugu,
Loli une ndi mbusikali bwa Ntwa.

³²⁰ Ameni! Itolo imaga kimyemye. Balinga bakiganile kila? Yoba, “Ameni.”

³²¹ Lilino, Tāta Gwakumwanya, sayaga aba abanini abāna umwisyugu. Abene bo Bako, Ntwa. Abene bakupele u bumi bwabo kwa Ugwe. Abene bikupilika akapango ka Mōse na mumo Ugwe gwalimponisye umwene. Abene bikupilika isya māma unnunu nu tāta unnunu yuyo āsukulikile abene nukubaswila abene. Kangi mo mumo a bāna banini aba bali na bamāma na batāta banunu. Kangi une ngusuma, Tāta, ukuti ugwe kwisakukētēsya pa bene nukubalongolela ukusuluka nkisoko

kya kabalilo, kangi a Bandumi ba Kyala balibaponesyaga abene. Bapa...Kangi polelo yaga kubumalikisyo bwa kwambilila, ukubambilila abene mmasiku ga bumalikisyo, Ntwa, Nkitangalala Kyako. Uswe tukusuma mu Ngamu ya Kristi. Ameni.

³²² Lilino umwe mubagile ukugomokela ku fikota fyinu kangi mbula bāba na māma mumo umwe mukwipilikila ubununu. Ameni.

³²³ “Amasiku gosa ga kwendendeka kwabo abene bālongosigwe.” (Umwe muyimenye yila, yópe?)

...mu kwendendeka kwabo abene
bālongosigwe,
Ku kisu kya lufingo abene balongosigwe;
Ni kiboko kya Ntwa mbulongosi naloli,
Abene balinkutwaligwa ku kiloboko kya
Kenani.

Aligwesa!


Ikimanyilo kya moto pa kilo,
Ni kimanyilo kya libingu pa musu,
Likwelela pamwanya, itolo bo pabutasi,
Bo abene bikwenda pa njila yitu,
Isakuyaga mbikisiyi kangi ndongosi,
Mpaka mmatengele bayege bakindile,
Kabuno Ntwa, Kyala gwitu, nkabalilo Kake
akanunu kene
Isakutulongsyaga uswe ku bwelu ku
bumalikisyo.

³²⁴ Balinga aba babine ulubunju ulu kangi bikulonda u lwiputo? Unko uswe tukete ikiboko kyako. Panogwa yakuti uswe tukābile panandi, lumo uswe tukusamisyaga ububombelo bwa bubumbulusyo mpaka kilo iki, kangi itolo ukupa i lisyu lya lwiputo lilino, panongwa yakuti uswe tukābile panandi.

³²⁵ Ngimba umwe mwikyélile akapango akanini? [Ikilundilo kikuyoba, “Ameni!”—Nsimbi]. Umwe mukwinogona akene kāli kanunu ku banike banini? [“Ameni!”] Ena. Uswe—uswe tukubakilania abene fiyo utubalilo twingi. Uswe tulingabombaga ikyo mma. Muketile, une ndikwagamo siku u lusako ulwa kumanyisa i sukulu ya Ndungu, kangi ulubunju ulu kāli kabalilo ka kuyoba ku bene. Une ngālundaga ukubakatasya umwe mma, loli une nālundaga ukubabula umwe akapango akanini.

³²⁶ Kumbukilaga, bāna banini, ako kakaya kapango akanini akaiyolo aka mukubala kulikosa. Ubo bo Bwanaloli. Ubo bo Bwanaloli! Kyala ābombile kila. Kangi Umwene ali na *ugwe* lilino. Umma ndaga.

³²⁷ Unko uswe twinamisye i mitu gyitu lilino akabalilo kako uswe tukwimba u lwimbo lwa kulundukila, polepole, “Ega i Ngamu ya Yeso na ugwe, ukuya ngulu ukufuma ku ndugu aligwesa.” Umma ndaga.

Ega i Ngamu ya Yesu na ugwe,
Mwana gwa busulumanie kangi gwa soka. 

56-0513 Ukumanyisya Pa Mōse
Kitembe Kya Branham
Jeffersonville, Indiana U.S.A.

KYANGONDE

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org